

20310-1

Inches .1 .2 .3 .4 .5 .6 .7 .8 .9 .10 .11 .12 .13 .14 .15 .16 .17 .18 .19

Centimetres

KODAK COLOR CALIBRATION



永樂大典卷之二萬三百十

二質

疾

洪武正韻昨悉切。病也。患也。惡也。急也。妬也。詳慎說文。从矢。聲。

秦悉切。𦥑古文疾。𦥑籀文疾。徐鍇通釋。慈悉反。又曰病未急。故從矢。矢。急疾也。爾雅。肅齊遙速亟屢數迅疾也。邢昺疏釋曰。皆謂急疾也。小爾雅。

肆赴捷疾也。楊雄方言。諄憎所疾也。諄之間反。宋魯凡相惡謂之諄憎。若

秦晉言可惡也。又拊撫疾也。音府。又速逞搖扇疾也。東齊海岱曰速燕之

外鄙。朝鮮列水間曰搖扇。楚曰逞。劉熙釋名。疾病者。客氣中人急疾也。又

疾截也。有所越截也。顧野王玉篇。才栗切。張參五經文字作甘古。疾字宋

重修廣韻作疾籀文。司馬光類篇籀作鈔。呂棫韻補叶音秦二切。司

馬相如上林賦。涓涓泓泓。洽渠昂沸。馳波跳沫。汨隱漂疾。又叶音秦葉切。孫楚茱萸賦。攀紫房於纖柯。綴朱實之酷烈。應神農之本草。療生民之瘳

疾。戴侗六書故。矢行捷疾也。借爲疾病之疾。按矢於聲不韻。說具矢部。李

曰。从矢。𠂔聲。又借爲疾。忿。疾。𠂔。別作𠂔。說文曰。𠂔也。一曰毒也。又作

𠂔。歐陽德隆押韻釋疑。唐田游巖煙霞痼疾。何休作谷梁廢疾。又如語君子疾沒世而名不稱者。病也。易動萬物者莫疾乎雷。撓萬物者莫疾乎風。

又不行而至。不疾而速者急也。唐書李林甫妬賢疾能者嫉也。用時宜詳審不可雙押。韓道昭五音集韻持也。五音類聚士栗切楊桓六書統從母

牀病甚也。从彳，病人所居也。从矢陳也。病甚有所陳也。或从知省病甚但能知人也。或無所知也。統注疾隸臍古文或从喉省言病亟不能言也。

辯敏也。从知从廿廿二十并也。其敏可兼人如此也。籀文廿同上廿本日

覩切假借統意廿隸熊忠韻會舉要商次清音周伯琦六書正譌彳从牀

省一聲。人有疾病必倚於牀。會意。隸作疾。舊音女危切非。趙謙聲音文字

通作𠂔。从吉切。人有疾病則倚卧于牀。故从牀省一聲。方音祁韻不出又

作疾。亦从矢聲。或曰此正疾邀之病。从矢意彳聲亦通。但今疾病字皆用疾。借疾藜艸名作疾非。又柱上構也。作𠂔非。爾雅闢謂之𠂔。俗字亦作𠂔。

古文重之病。籀文从矢。取其邀也。从口出兮。言之邀也。

廿聲此正疾邀之病。韻會定正字切。從吉從秦前疾。

篆書疾狀𠂔_{並古論語}𠂔_{李斯繹}𠂔_{秦山碑}𠂔_蓋𠂔_寅𠂔_𠂔𠂔_{並厖}𠂔_敦𠂔_𠂔

牧疾_{並秦}𠂔_{泰山碑}𠂔_{籀文}𠂔_廿𠂔_𠂔𠂔_{从古集篆古文}

敷疾_權𠂔_{石刻}𠂔_{篆文}𠂔_𠂔𠂔_{从古集篆古文}

韻海臍臍_{并徐鉉}疾_{景君}疾_{孔宙}疾_{樊安}疾_{楊統}疾_韻

金恭碑並洪邁漢隸分韻_{並洪邁漢隸分韻}疾_{李翊}疾_{劉寬}疾_{戚伯}疾_韻疾_碑疾_碑疾_碑疾_碑疾_碑

疾_{虞世南}疾_{歐陽詢}疾_{顏真卿}疾_{韋氏}疾_{田君斷碑並真}疾_{鍾繇}疾_衛疾_{米芾}疾_{張錦溪}

謝万兵疾_{並宋儋}疾_{張旭}疾_{並懷素}疾_{米芾}疾_{張錦溪}

心疾_{隋書五行志齊文宣帝嘗宴於東山。投杯赫怒。下詔西伐。極陳甲兵之盛。既而泣謂群臣曰。黑衣非我所制。卒不行。有識者以}

疾

鮮于樞

帝精鬼已亂。知帝祚之不永。帝後竟得心疾。耽荒酒色。性忽狂暴數年而崩。唐語林。劉闢初有心疾。人自外至。輒夢而吞之。同府崔佑時碩大。闢據地而吞。背裂血流。獨文若至不吞。故後自惑。起居舍人韋緩以心疾。校書郎李幡亦以心疾廢。幡常疑遇毒鑠井而飲。散騎常侍李益尹亦心疾。病疑。王某云。往歲任同州。見御史出案廻止州驛。經宿不發。忽追雜案。又取印曆鑠驛甚急。一州大擾。有老吏竊笑。乃因庖人以通憲胥許百縑爲贈。翌日未明。御史以啓驛門。盡還按牘。乘馬而去。冊府元龜。謝述有心虛疾。性理時或乖謬。除吳郡太守。以疾不之官。荃翁貴耳淳熙間省元徐復。因功名之念太重。遂有心恙之疾。殿試用卷子寫一枝竹題曰。畫竹一竿。送上試官。朝廷亦優容之。以省元身後一官與其子。子亦恙。官亦絕。宣政雜錄。宣和乙巳五月間。禁中有事務。內人忽發心疾。自永巷直犯木圍。力士輩莫能挽。於是怖之。曰。官家來。曰。不畏。又舉后妃。皆不省。或曰。太子來。始伏地連聲曰。畏畏。人莫知所以。是冬。徽宗遜位方驗。程氏外書。有患心疾。見物皆獅子。伊川教之。以見即直前捕執之無物也。久之。疑疾遂愈。

腹疾

左傳。宣公十二年冬。楚子伐蕭。還無社。與司馬卽言。號申叔展。叔展曰。有麥麴乎。曰。無。有山鞠窮乎。曰。無。河魚腹疾。柰何。

注。叔

展又問。既無禦濕藥。將有河魚腹病。柰何。曰。目於眢井而拯之。若烏茅經哭井則已。明日蕭潰。申叔視其井。則茅經存焉。號而出之。宋梅聖俞。宛陵集。聞曼叔腹疾。走筆爲戲。方聞病下利。曾不藥物止。區區溷匱間。其往寧得已。每爲青蠅喧。似與紫姑喜。傾腸倒腹後。乃是膧中美。劉後村。集鷓鴣天。腹疾因睡和朱希真詞。前度看花白髮郎。平生痼疾是清狂。幸然無事汚青史。省得教人奏赤章。遊俠窟。少年場。輸他群謝與諸王。居人不識庚桑楚。弟子目疾。資治通鑑。昭宗天復三年八月。楊行密夫人朱誰從魏伯陽。

目疾

資治通鑑。昭宗天復三年八月。楊行密之姊也。行密狎侮延壽。延壽怒。與田頤通謀。九月。朱延壽謀頗泄。行密詐爲目疾。對延壽使者多錯亂。所見或觸柱仆地。謂夫人曰。吾不幸失明。諸子皆幼。軍府事當悉以授三舅。夫人屢以

書報延壽。行密又自遣召之。陰令徐溫爲之備。延壽至廣陵。行密迎及寢門。執而殺之。部兵驚擾。徐溫諭之皆聽命。遂斬延壽兄弟。黜朱夫人。馬令南唐書。歸明傳。李元清。開寶中爲永新制置使。及金陵平。例歸京師。元清僞爲目疾。召驗之。揮刃而目不瞬。遂放歸濠上卒。太平廣記。壽州守張士平。中年夫婦俱瞽。元和七年八月十七日。有書生請謁曰。吾攻醫。使君有疾。故來此耳。士平欣然見接。書生謂使君之疾不假藥餌。書生即爲擇勝。

地疏一井。用水洗目。目明如初。宋陳簡齋集目疾。天公嗔我眼常白。故著昏花阿堵中。晉書。顧愷之每畫人成不點目精。人問之曰。傳神寫真。正在阿堵中。昌黎寄崔立之詩。玄花看兩眼。不恠參軍談瞎馬。晉桓玄與顧愷之同在仲堪坐。共作危語。一參軍云盲人騎瞎馬。夜半臨深池。仲堪眇一目驚曰。此大逼人。因罷。但妨中散送飛鴻。晉嵇中散叔夜贈秀才入軍詩。目送歸鴻。手揮五絃。著籬令惡誰能繼。摭言。方干作令嘲李主薄。目翳曰。只見門外著籬。未見眼中安障。損讀方奇定有功。晉書范甯患目。就張湛求方。湛曰。古方。損讀書一減思慮。二專內視。三。簡外觀。四。旦晚起五。夜早眠六。凡六物。焚以神火。下以氣篤。鍼於眉中七日。然後納諸方寸。修之一時。近能數目睫。遠眎尺葦之餘。長眠不已。洞見牆壁之外。非但明目。亦可延年。九惱從來是佛種。維摩經。九惱處爲種十不善爲種六十二見。一切煩惱。皆是佛種。會如那律證圓通。楞嚴經。阿那律失双目。世尊示以樂見。照明金剛三昧。不因眼觀見十方。遂證圓通。劉後村集目疾一首。疾起自肝家。眵昏認物差。昔如虹貫月。今隔霧看花。瞑鵠驚飛匝。涼蟾露些。廟堂見章奏。應笑字欹斜。王黃州小畜集眼疾。古人功業甘無分。徃聖詩書合有緣。何事病來花滿眼。祇將簡策枕頭眠。元胡祇遹紫山集目。

疾有感。未能聞道頭成雪。才解觀書眼已花。留取草堂閑日月。好香名酒送生涯。卓行奇勲愧已無。高情遠韻亦卑汙。狗偷鼠竊塵埃裏。暮四朝三了。鼻疾。冊府元龜漢謝安字安石。本能爲洛下書生詠。有鼻疾。故壯圖。

贖疾

冊府元龜漢張沆爲翰林學士。沆雖贖疾。出入金門五六年。

太保。贖疾。隱帝末陽史遇害。翌日沆方知之。聽猶未審。忽問同僚曰。竊知盜殺史公。其盜獲否。是時恇懼之次。聞者笑之。是足疾。續後漢書鍾繇傳。繇有膝疾。拜起不載輿車。虎賁昇上殿就坐。是後三公有疾。遂以爲故事。

足疾

續後漢書鍾繇傳。繇有膝疾。拜起不便。時華歆亦以高年疾病。朝見皆使

僚使兵陳自宮至光之家。門戶階陛左右。皆王僚之親戚也。夾立侍皆持長铍。酒既酣。公子光詳爲足疾。入窟室中。使專諸置匕首魚炙之腹中而進之。既至王前。專諸擘魚。因以匕首刺王僚。王僚立死。左右亦殺專諸。索隱曰。詳音陽。爲如字。左傳曰。光偽足疾。此云詳即偽也。或讀爲音偽非也。豈詳偽重言邪。詳專。續後漢書。楊處見漢祚將終。自以累世爲公卿。耻爲魏臣。遂稱足疾。不復行。冊府元龜。習鑿齒爲相溫。荊州別駕。以脚疾遂廢。

於里巷。及襄陽陷於苻堅。堅素聞其名。與釋道安俱興而致焉。既見與語。大悅之。賜遺甚厚。又以其蹇疾與諸鎮書曰。昔晉氏平吳。利在二陸。今破漢南。獲士裁一人有半爾。唐白居易長慶集足疾。足疾無加亦不瘳。綿春歷夏復經秋。開顏且酌樽中酒。代步多乘池上舟。幸有眼前衣食在。兼無身後子孫憂。應湏學取陶彭澤。但委心形任去留。蘇洞冷然齋集足疾數日簡願弟。病脚冬逾甚。羈懷老自驚。生前終有役。隱去更湏名。褐短愁紉婦。文疎愧屬兄。何時了婚嫁。一意學躬耕。陸游渭南集足疾。足疾惟妨拜。登臨故自如。深知造物意。遣遂此心初。東塢閑看竹。西溪獨釣魚。暮歸猶未倦。把卷遠前除。元藍靜之藍山集雲松邀往翁源。足疾不果行。臨水登山興已非。客來扶杖強相依。前川不得隨花柳。遠壑空思老蕨薇。覽鏡徬徨餘髮短。開書涵詠壯心微。仙人不授輕身術。安得凌空跨鶴飛。又簡汝實祐吉席上諸公。內處芳筵共一朝。病軀不動愧相招。已知博士推名飲。又說監河善醉謠。冠弁巍峩容自肅。觥籌銅盤徹夜燒。

時疾

羅泌路史後紀

炎帝修火之利。范金排貨以濟國用。因時變裸以抑時疾。路史發揮論燧人改火篇。古者周官四時變火以救時疾。明火不變。則時疾必生。聖人作

法。豈徒然哉。詳大石林燕語。前輩多知人。或云亦各有術。但不言爾。夏文莊公知蘄州。龐莊敏公爲司法。嘗得時疾。在告方數日。忽吏報莊敏死矣。文莊大駭曰。此人當爲宰相。安得便死。吏言其家已發哀。文莊曰不然。即自往見。取燭視其面曰。未合死。召醫語之曰。此陽證傷寒。汝等不善治誤爾。亟取承氣湯灌之。有頃莊敏果蘇。自此遂無恙。世多傳以爲異。

風疾

續後漢書孫權大元元年十一月。權祭南郊。遂得風疾。

驛徵大將軍諸葛恪拜爲太子太傅。總統國事。詔省錄役。減征賦。除民所患苦。冊府元龜。盧照鄰爲新部尉。因染風疾去官。處太白山中。以服餌爲事。後疾轉篤。徙居陽翟之具茨山。著釋疾文五悲等詞。頗有騷人之風。甚爲文士所重。照鄰既沈痼憊廢。不堪其苦。嘗與親屬執別。遂自投潁水而死。

王胡之字脩齡。弱冠有聲譽。歷郡守侍中丹陽尹。素有風眩疾。發動甚數。而神明不損。書林事類。魏祖少遊蕩。叔父數言於其父嵩。祖患之。陽敗面口偏。叔父見祖中惡風。又告嵩。嵩驚咤曰。叔父言汝中風已差乎。對曰。初不中風。但失愛於叔父。故見周。自后叔父所告嵩。終不復信也。太平

廣記廬陵有人應舉。行遇夜。詣一村舍求宿。有老翁出見客曰。吾舍窄人多容一榻可矣。因止其家。甚久之。告饑。翁曰。吾家貧。所食唯野菜耳。客食

之甚美。與常菜殊及就寢。唯聞証証之聲。既曙而寤。身卧田中。旁有大蜂窠。客嘗患風。因爾遂愈。蓋食蜂之餘耳。類要高季輔爲侍中。以風疾廢於家。太宗屢降中。使其進食。問其增損。尋卒溫革。瑣碎錄。若要安。三里莫要乾。患風疾人宜灸。三里者。五臟六腑之溝渠也。常欲宣通。即無風疾。唐白居易長慶集。荅閑上人問風疾。一床方丈向陽開。勞動文殊問疾來。欲界凡夫何足道。四禪天始免風灾。

水疾記

東觀漢記 東平

王蒼到國後。病水氣喘逆。上遣太醫丞相視之。小黃門侍疾。置驛馬傳。起居以千里爲程。晏子春秋。景公水病。夢與二日鬪不勝。召占夢問之。晏子謂占夢曰。公所病者陰也。日陽也。一陰不勝兩陽。公病將已。占夢以其言對。三日公病大愈。賜占夢。占夢曰。晏子教臣也。公召晏子賜之。晏子曰。占夢以臣言對。故有益也。若使臣言則不信也。幽明雜警。宣城村民有父嬰水疾。治不效者。里人以小愈挾怨。一日懷刃謀刺之。中五十餘創。但不及要害。衆救之獲免。被創卧。而氣息僅存。流血藉地。諸創中血盡。則黃水出。涓涓久不絕。主簿嚴孟堅嘗檢視之。既而懷刃者具伏謀情。坐棄市。明年孟堅以事幹復至是村。見道傍人有致恭熟視之。即向之被刺水疾人也。問之。因被刺出病。水盡疾遂愈。人皆異之。大凡水疾治不效。必死病也。人

宜哀恤之。乃從而加之刃。是不仁甚矣。嗚呼。怨者以一忿。輕取死所。而必死者乃復生。禍福之倚伏。固非常情所可度。抑又天之惡不仁而至如是乎。

消疾

野客叢書 周官疾醫四時皆有癘疾。春時有瘡首疾。鄭注。瘡

既異。而其字亦自不同。後人往往不辨。指爲一疾。鮮有別之者。後漢李通素有消疾。此正如相如渴疾也。太子賢注消中之疾是矣。乃復引周官爲證。是以消中瘡首爲一義。以至玉篇唐韻之類。亦皆以瘡爲渴病。惟禮部韻。瘡字下注酸瘡頭痛。是爲得之。張益押韻注。酸瘡頭痛。又渴病。雖明知二疾爲不同。是又認二字爲一體矣。

吐疾

冊府元龜 王戎先有吐疾。居喪增甚。帝遣醫療之。并賜藥物。又斷賓客位至司徒。

噎疾

太平廣記

永徽中。絳州有一僧病噎。都不下食。如此數年。臨命終。告其弟子云。吾氣絕之後。便可開胃喉。視有何物。欲知其根

本。言終而卒。弟子依其言。開視胃中。得一物。形似魚。而有兩頭。遍體悉是肉鱗。弟子致鉢中。跳躍不止。戲以諸味致鉢中。雖不見食。湏臾悉化成水。又以諸毒藥內之。皆隨消化。時夏中藍熟寺。衆於水次作淀。有一僧往。因以少淀致鉢中。此虫恆懼遠鉢馳走。湏臾化成水。世傳以淀水療噎疾。因

疫疾

陸游南唐書李德誠列傳。德誠廣陵人。少事宣州節度使趙鍾。立裨將周進思以拒吳。鍾使德誠入城說進思降。將行。因暴得疫疾。委頓不克往。乃改命球。球既至。進思斬之。擲其首城外。德誠是日即愈。人皆異之。

元黃叔美詩。至正四年秋。疫疾大作。書所見。時廣昌縣官俱死。吾州之人疫大作。八月九月死如麻。野田多稼盡不獲。山縣無官晨廢衙。林光黯

黯青烟斷。日氣昏昏黃霧遮。老翁苦貧病更苦。病後健來貧莫嗟。

癆疾

邵氏聞見錄。胡先生瑗判國子監。其教育諸生皆有法。安

厚卿樞密在其席下。厚卿苦癆疾。凡序立廡下。升堂聽講說。人衆輒疾作。先生使人掠之以歸。調護甚至。厚卿登科疾良愈。或云與王公康公少苦淋疾。及爲樞密使。疾自平。相同。蓋人之疾病。隨氣血之通塞。既快疾。亦自愈也。先生每語諸生。食飽未可據案。或久坐。皆於氣血有傷。當習射投壺。游息焉。是亦食不語。寢不言之遺意也。程伊川曰。凡從安定先生學者。其醇厚和易之氣。望之可知也。

療疾

夷堅志武功大夫閻門宣贊舍人黃某。爲江東兵馬鈴轄。紹興二十二年正月。秋滿將歸弋陽。

過池州。值雪小留。郡守假以教授解舍。遇舊同官趙士遇。趙訝其顏色青

黑而歟不已。語言動作。非復如疇昔時。從容問所苦。黃愀然久之曰。吾家不幸。祖傳療疾緣是殞命者。世世有之。自半年來。此證已萌芽。吾次子沅亦然。殆將死矣。遂悲傷出涕。趙曰。每聞此疾可畏。間亦有愈者。而不能絕其本根。吾能以太上法籙治之。但慮人不知道。因循喪軀。公果生信心試爲公驗。於是焚香書符以授黃及沅。使吞之。吞未久。遍手指内外皆生黃毛。長寸餘。趙曰。疾深矣。稍復遷延。當生黑毛。則不能抹療。今猶可爲也。於是擇日別書符牒城隍。申東嶽。奏上帝。訖。令黃君汎掃寓舍之西偏小室。紙糊其中。寘石灰于壁下。設大油鼎一枚。父子著白衣閉門對床坐。吞符訖。命數童。男秉燭。注視有頃。兩人身中飛出黑花。蟬蛾四五。壁間別有蟲作聲而出。或如蠅蠂。如蜘蛛。大小凡三十六。悉投沸鼎中。臭不可聞。啾啾猶未止。繼一虫細如絲髮。蜿蜒而行。入于童袖間。急捕得。亦投鼎中。便覺四體泰然。了無患苦。黃氏舉室歡異。知其靈驗。默禱於天。願爲先世。因此疾致死者。作九幽大醮拔度之。未醮數日。黃之妻夢先亡十餘人。內有衣阜小團花衫者。持素黃錠白簡來拜謝曰。汝救我。則我救汝。妻覺以告夫。黃泣曰。衣小花衫者。吾父也。吾父死於兵戈中。衣服不備。但得一衫以斂。夢中所見者。真是矣。遂以二月朔設醮於天慶觀。是夕。陰雲四垂。雨意欲

作中夜隱隱聞雷聲。所供聖位茶。皆白如乳。道衆恐雨作不能焚詞。既而至五鼓。醮事畢。雨乃大至。黃氏歷世惡疾。自此而絕。士退。字進臣。時右朝請大夫魏彥良通判池州爲作記。崔祖武。河東威勝軍人。政和癸巳。與家君同處大學通類齋。自言少好色。無日不狎遊。年二十六歲成。療疾將死。有牛道人來曰。苟能絕慾。吾救汝。父母曰。是兒將死。儻能生之。有何不可。遂授以藥。及教以練氣術。令與妻異處。其病良已。三年方同房。而欲心不復萌。在學時。年三十五六。肌幹豐碩。儀狀秀偉。亦與人和。率之游狹邪。不固拒。但不作色想耳。飲食不肯醉飽。曰大醉大飽。最爲傷氣。湏六十日修持。始復初。後歸鄉里。不知其所終。墨莊漫錄。蔡仍子因之妻。九院王家女也。忽患瘵疾。沉綿數年。既死。已就小歟時。上皇宮中聞之曰。惜其不早。以陷水丹賜之。今雖已死。試令救之。因命中使馳賜一粒。時氣息已絕。乃強灌之。湏臾遂活。數日後向安。但齒皆焦落。後十五年方死。

疾

莊李裕雞肋編。南方多梟而比西北絕小。龍泉人亦捕食。云可以治癆。癆疾。五月五日。以梟羹賜群臣。可驗其無毒。然醫方不云有治病之功。

惡疾

列女傳。蔡夫之妻者。宋人之女也。既嫁於蔡夫。有惡疾。其母

也。將改嫁之。女曰。夫之不幸。乃妾之不幸。將何去之。終不聽。其

母而作芣苢之詩。冊府元龜漢杜欽目偏盲。茂陵杜鄴與欽同姓字。俱以材能稱京師。故衣冠謂欽爲盲。杜子夏以相別欽。惡以疾見詆。乃爲小冠。高廣才二寸。由是京師更謂欽爲小冠。杜子夏以鄴爲大冠。杜子夏欽優游不仕。以壽終。後魏書。李庶生而天閼。崔謐嘲之曰。教弟種鬚。以錐遍刺作孔。挿以馬尾。庶曰。先以此方迴施貴族。藝眉有效。然後樹鬚。世傳崔門有惡疾。以呼蒞爲墓田。故庶言及之。

羸疾

史後唐劉延朗傳。初廢帝與高祖俱事明宗。而心不相悅。帝既入立。高祖不得已來朝。而心頗自疑。欲求歸鎮。且難言之。乃陽爲羸疾。炙灼滿身。冀帝憐而遣之。延朗等多言敬瑭可留京師。韓昭胤專美曰。敬瑭與趙延壽。皆尚唐公主。不可獨留。乃復授高祖河東而遣之。

宋景文公集。羸疾益間。呈聶長孺學士。病緒蹇。彌旬曠坐。曹緣憂初得損。非巧亦成勞。計月銷雙臂。驚年變二毛。隙塵閑日滿。銘藥瞬時熬。顧此逢熙盛。紛吾異俊髦。濫趨華雉省。法舐翠螭毫。數米仍能飽。槍榆不顧高。聊尋秘方枕。更繕養生刀。夕穗含風月。秋禽企露臯。比來差勝晤。有意伴持螯。

陸游渭南集羸疾。強飯幸如昨。清遊元有期。新霜宜野店。行矣不須疑。

瘧疾

宋眉山唐

疾寄示聖俞。體中初微溫。未勢如湯鑊。忽然毛髮起。冷撼如振鐸。良久交戰罷。項背如釋縛。尚覺頭涔涔。眉額如鏡鑿。空日一寒暑。有準如契約。伏枕兩晦朔。枵然如空橐。平生十圍腹。病起如飢鶴。衰髮本無幾。脫去如秋籜。到今僅能步。出沒如尺蠖。舊聞五嶺法。有此萬戶瘡。而我自僑寓。了不蒙閑略。況子又持養。何至亦例着。此身自空虛。客疾安所託。請作如是觀。無病亦無藥。**瘡疾** 宋曾文清公集 瘡

誰言示病元非病。一日之間行四時。不用文殊來問疾。箇中實怕有人知。又老身危似草頭露。疾勢來如江上潮。寒熱自無安著處。不然何以脫寒侵。之子步池上。攀條哦柳陰。擲我珠玉辭。瘞鬼毛髮森。豁爾脫塵網。翛然洗煩襟。何當漾輕舠。相與從茂林。清興諒不淺。此情殊未禁。強歌下俚曲。賡和白雪音。請問覺軒詩。何如梁父吟。**老疾** 陸游集 老疾戲自贈。年過七十日夜衰。羸然骨立不支持。一身百病作無時。飯且不足那論醫。鏡中之人定是誰。面骨突兀鬚成絲。買棺作塚計已遲。一旦寧免累諸兒。門前湖山可遨嬉。心雖欲往力不隨。左車牙脫吁可悲。問汝何不食肉糜。

瘡疾 冊府元龜 長孫子彥末年疾發

舉體生瘡。雖親戚兄弟。以爲患疾如此。難以自明。世無良醫。悞其死矣。嘗聞故疾。蝮蛇螫之不痛。試爲求之。當令兄弟知我。乃於南山得蛇。以股觸之。痛楚號咷。**篤疾** 晉書宣帝紀 帝有疾。曹爽等謂帝疾篤。遂有無君俄而腫死之心。謀危社稷。期有日矣。帝亦潛爲之備。爽之徒

亦頗疑。帝會河南尹李勝。將往荊州來候帝。帝詐疾篤。使兩婢侍持衣。衣落。手指口言渴。婢進粥。帝不持杯飲。粥皆流出霑胷。勝曰。衆情謂明公舊風發動。何意尊體乃爾。帝使聲氣纔屬說。年老枕疾。死在旦夕。君當屈并州。并州近胡。善爲之備。恐不復相見。以子師昭兄弟爲託。勝曰。當還忝本州。非謂并州。帝乃錯亂其辭曰。君方到并州。勝復曰。當忝荊州。帝曰。年老意荒。不解君言。今本州盛德壯烈。好建功勳。勝退告爽曰。司馬公尸居餘氣。形神已離。不足慮矣。他日又言曰。太傅不可復濟。令人愴然。故爽等不復設備。通鑑長編 宋太祖乾德二年。詔州縣官有畧考篤疾不任從政者。令判官錄事糾舉。與長吏同列狀以聞。**艱疾** 事文類聚 王羲之帖曰。慕公遂委篤深可堪。出入間。故帝加除授。仍以始安王遙光代之。轉寶義爲右將

廢疾

冊府元龜

南齊巴陵王寶義爲揚州。封晉安。寶義少有廢疾。不

軍領兵置佐石頭。江州志唐呂岩。字洞賓。涇川人。禮部侍郎渭之後也。舉進士不第。羈窮河朔。遇鍾離權。授火符刀圭之旨。即浩然南遊。數至九江。望江亭有其親題微示人。以不可測之迹。瑞昌集仙堂有李道者。本丐徒雙足拳攣。以手憑物。蛙行者二十年。嘉定三年五月十三日。憇安陸橋。逢道流謂曰。吾能起子廢。以手按其膝。與藥一丸吞之。立起如健。步回視道人失所在矣。人曰。子遇洞賓無自棄。由是入道。

衰疾 游

陸

渭南集衰疾。衰病隣新鬼。狂豪尚故吾。慕常先客著。行不許兒扶。硯潤閑蟾滴。香殘冷鴨爐。自憐風味在。尚欲泛江湖。又衰疾支離負聖時。猶能采菊傍東籬。捉衿見肘貧無敵。聳膊成山瘦可知。百歲光陰半歸酒。一生事業略存詩。不妨舉世無同志。會有方來可與期。又衰疾猶能飲一簞。蓴絲菰首亦加飧。舊叨鑄印俄銷印。老媿彈冠亟掛冠。自怪嵇康如許嬾。人憐范叔不勝寒。得錢剝買青芒屨。采藥名山興未闌。又秋晚衰疾稍平聊識喜懷。世事紛紛博局中。豈知造物貸衰翁。短筇倚壁知身健。小甕炊粳喜歲豐。霜近平郊多鴈落。雨頻斷港有船通。更餘一事添詩興。烏臼新生數葉紅。鄭獬鄭溪集衰疾。大夢爲生固有涯。屢攻衰疾可驚嗟。時於耳竅嘯秋蚓。併向目睛飛黑花。門外掛羅同翟尉。座隅占鵠

類長沙。予病輒有眼疾。支離猶食三鍾粟。買取漁溪好住家。張鎔湖南集衰疾。幾半月。梅事已空。杏花亦爛熳矣。忽往一觀。成古詩三十韻。年前約園梅。梅開主人病。初英僅一窺。旋遭風雨橫。瑰奇耻浪設。收卷歸盡淨。追攀夢中事。詎復形歎詠。連朝得暄晴。疾勢頓除摒。池西杏盈坡。芬菲想繁競。中車試移轍。遠睇已輝映。披荊尺許足。領意豈煩更。亭亭喜余顧。笑粲若相迎。瑞錦圍坐幃。暘晶滿空鏡。疇知自心法。本匪生化柄。實虛懷一體。曾何有衰盛。斯言忌輕拈。或能惹譏諷。枉辱阻劇賞。得句漫枯硬。非無戀勝交。倉卒費延請。浮生只堪樂。踈慵矧天性。能消屐幾鞚。盍早謀究竟。當年草野叟。偶爾應三聘。後人循自售。例投俗眼輕。嗟予亦蒙愧。行矣關郡政。零丁門戶責。姑塞先世命。隨群畫紙末。觸目但癡矇。事功畧何裨。趨進徒伺偵。撲愚賴堅守。齷齪矜細行。南湖水清兮。魚鳥爭戲泳。相親兩逾載。情分猶季孟。邇來似嫌浼。引退如避穿。花邊主林神。料亦捐愛敬。偷閑兩旬惺。酬應就忙併。速

兩旬惺。酬應就忙併。速

能以療邪疾。他日廣文門下。其妻有疾。來投工部曰。小人妻如有物憑。歌泣不時。願賜貟外二歌以理。工部曰。子但念子章髑體血模糊。手提擲還

邪疾

小說集異

杜工部嘗作花卿及姜楚公

并醉眠休。扶那用倩。邪疾。畫鷹歌。以示鄭虔廣文。廣文曰。足下詩能以療邪疾。他日廣文門下。其妻有疾。來投工部曰。小人妻如有物憑。歌泣不時。願賜貟外二歌以理。工部曰。子但念子章髑體血模糊。手提擲還

崔大夫。如不差。即云觀者徒驚帖壁飛。畫師不是無心學。妻自當差。若未少間。更有太宗拳毛騎。郭家師子花。如又不差。雖有和扁不能去其病。自此。

得如鬼疾

宋文性夫刺語

贈族子治鬼疾。瞠綈電目頭蒙俱。兩手

蟲作妖魅。敢上天庭。恬天耳。坐俘心腹三彭仇。生鹹膏盲双孺子。君不見大巫擒鬼。先擒王。質躋猥瑣不足當。請君爲我祓不祥。疾驅威霆行鬼方。

餘力熙河

寒疾

孟子

公孫丑篇有寒疾。不可以風。毛東堂詩集比得

桔梗。教作湯服之。疾間作小詩以寄。江南卑濕地。往往如長沙。薄寒能中人。毛立噤齒牙。初猶遭蒸炊。又似縛且撻。搖祠亂昏俗。禍福專群鷗。參軍支病骨。抱案隨吏衙。鬼蓋乘其窮。屢以寒熱加。定知鬼非人。吾誰彼疵瑕。鳥飢集屋梁。聊試婢以筭。手摩田中丹。三關氣成霞。房圖引芸蒿。相與排陰邪。此鬼不足施。霍然促脂車。元趙孟頫松雪齋集得葉道士書。知趙三郎偶有寒疾。山中道士傳消息。月裏仙郎恰畏寒。水遠山長誰料理。憑君書信報平安。

狂疾

北史

袁粲字愍孫。嘗謂人曰。昔一國有水號狂泉。國

憑君書信

人飲之無不狂。

惟國君穿井而汲。獨得無恙。國人既

並狂。反謂國君之不狂者爲狂。於是聚謀共執國主。療其狂疾。火艾針藥莫不畢具。國主不勝其苦。於是到泉所酌飲之。飲畢。便狂。君臣大小其狂若一。衆乃歡然。續通鑑長編神宗帝紀。熙寧二年。館閣校勘劉攽爲開封府考試官。王介以小畜字二者。一與御名同犯者。當黜。攽以爲畜字與御名兩音。元敕無此字。不當避。語言往復。介遂詰之。又呼巡鋪內臣爲證御史彈奏。乞黜責。詔監試官陳襄具事狀以聞。介放免。勘合罰銅八斤。中丞呂公著言。攽素行儇薄。介稟性躁妄。所至目爲狂疾。昨試院喧鬪益甚。非顯行黜降。無以懲戒風俗。故有是命。

重疾

三輔決錄趙岐

初名嘉。三十餘有重疾。卧蓐七年。自慮奄忽。乃爲遺令。勅兒子可立一貞石於吾墓前刻之曰。漢有逸民。姓趙。名嘉。有志無時。命也柰何。其後疾瘳。

寢疾

類說魏徵寢疾

上曰。卿必不起。豈無一言。徵曰。寢不恤變。上

以息。雖家人之親密者。不復接焉。疾亟謂家人曰。髡髮緇衣以歛。予平昔之志。未幾而絕。咸將從命。其婿蘇耆力排而止。曲洧舊聞王觀待才放誕。陸子復慎默。於事無所可否。觀嘗以方直少之。然二人極相善也。觀寢疾。子復往候之。觀惡寒。以方帽包裹坐複帳中。子復笑曰。體中少不佳。何至

是所謂王三惜命也。觀聲曰。王三惜命。

微疾

元史 汪世顯傳 子德臣

何如。六四括囊。當時聞者莫不大笑。

爲我家飲以滿葡萄。解玉帶賜之曰。飲我酒。服我帶。疾其有瘳乎。德臣泣謝。陸游渭南集微疾 微疾。帝勞之曰。汝疾皆

春近處處閑身覺日長。林外鼓歌聞賽廟。懷中茶
餅議租桑。兩京梅發今何似。送老流年只自傷。

久疾

陸游渭南集 久疾三首

久疾無時已。殘年莫更論。流離魄未返。窮困舌空存。耕壠關心事。祠官荷主恩。但愁平老眼。不見定中原。殘年仍卧疾。胞戶夜愔愔。一日且復過。久生非所欽。暗塵侵藥笥。微月伴衣砧。萬里懷良友。前盟可得尋。幽屏元無事。沉緜自鮮歡。脰長猶可截。冠掛豈容彈。擣藥香塵細。尋書蠭炬殘。晚來差覺健。

銅疾

西漢書 賈誼傳。必爲銅疾。師古曰。銅疾。聖人之疾。

風月小庭寬。銅疾袁黎齋集。當衆穀亂之時。發正大之論。如指迷途。如藥銅疾。楊內翰談苑。公嘗言春秋傳曰。土厚水深。居之不疾。言其高燥。予往年守郡江表。地氣卑濕。得痔漏下血之疾。垂二十年不愈。未嘗經日不發。景德中。從駕幸洛。前年從祀汾陰。往還皆無恙。今年退卧穎濱。嵩少之麓。井水深數丈而絕甘。此瘳遂已。都城土薄水淺。城南穿土尺餘。已沙

濕。蓋自武牢已。西接秦晉之極疾。
西漢書五行志。與則冬溫。春地。皆水土深厚。罕發銅疾。

疾

辟書類對事苑晉陸雲與兄機詣張華。華問雲何在。機曰。雲有笑疾。未敢自見。俄而雲至。華爲人多姿制。又好帛纏鬚。雲見大笑不能自己。常袞絰上船。水中見影大笑。落水人救獲免。竊疾類說墨子見楚王曰。有人舍其文軒。鄰影大笑。落水人救獲免。竊疾事文類聚宋吏部尚書有敝輿。而欲竊之。舍其錦繡。鄰有短褐。而欲竊之。舍其梁肉。鄰有糟糠。而欲竊之。此爲何若人也。王曰。必有竊疾矣。

潔疾

事文類聚宋吏部尚書

之者。未及出戶。輒令人拂席洗床。以此見譏。齊王思遠爲侍中。性簡潔。客有詰已者。覘知衣服垢穢。乃便不前。形儀新楚。乃與促席。及去。猶令二人交埽。拂其坐處。梁何終之。性好潔。一日之中。洗滌者十餘。過人稱爲水淫。齊遂安令劉澄。爲性彌潔。在縣掃拂郭邑路。無橫草剪蟲穢。人不堪命。坐免官。萍洲可談。舒王吳夫人。有潔疾。其意不獨恐污已。亦恐污人。長女之出。省之於江寧。夫人欣然裂綺縠製衣。將贈其甥。皆珍異也。忽有猫卧衣笥中。夫人即叱婢揭衣置浴室下。終不肯與人。竟腐敗無敢收者。王舒王妻。越國吳夫人。性好潔成疾。王任真率每不相合。自江寧乞骸。

王舒王妻。越國吳夫人。性好潔成疾。王任真率每不相合。自江寧乞骸。

歸私第有官藤床。吳假用未還。吏來索。左右莫敢言。

王一旦跣而登床。偃仰良久。吳望見。即命送還。

勞疾

華佗中藏經論

津令高祖令征南將軍補府。主簿從政長安。以公事免還都。因患勞疾。積年飲婦人乳。乃得差。

奇疾

病有災怪。病者

有災怪。如何也。病者應寒而反熱。應熱而反寒。應吐而不吐。應瀉而不瀉。應汗而不汗。應語而不語。應寒而不寒。應水而不水。皆屬災怪也。此乃五臟之氣不相隨從而致之。以四逆者不治。四逆謂主客運氣俱不得時也。

巢元方病源 腹內有人聲候。夫有人腹內忽有人聲。或學人語而相呴。此乃不幸致生灾變。非關經絡府藏冷熱虛實所爲也。治驗張果醫說。簷溜盥手。龍伏藏指爪中。石藏用。近世良醫也。一士人嘗因承簷溜盥手。覺爲物觸入指爪中。初若絲髮。然既數日稍長如線。伸縮不能如常。始悟其爲龍伏藏也。乃見石藏用。扣其治療之方。藏用曰。此方書所不載也。當以意去之。歸可未曉。娘塗指。庶不深入胃膜。冀他日免震厄之患。士人如其言。後因迅雷見火遍身。士人懼急以針穴指果見一物。自針穴所躍出。不能爲災。婦人異疾。陳子直主薄妻有異疾。每腹脹則腹中有聲如擊鼓。遠聞于外。行人過門者皆疑其家作樂。腹脹消則鼓聲亦止。一月一作。經

十餘醫。皆莫能名其疾。嘔物如舌。鎮陽有士人嗜酒。日嘗數斗。至午夜飲興一發。則不可遏。家業殘破。一夕大醉。嘔出一物如舌。初視無痕竅。至欲飲時眼偏其上。矗然而起。家人沃之以酒立盡。至常日所飲之數而止。遂投之猛火急爆烈。爲十數片。士人自此惡酒。消食籠。齊諧記云。江夏郡安陸縣隆安中。有人姓郭名坦。兄弟三人。大兒得天行病。後遂大能食。一日食斛米。其家給可五年。貧罄後乞至一家門前。已得飯。又復乞於其後門。此家出語之。汝已就前門食了。那得復從後門來。其人答曰。實不知君家有兩門。腹大飢不可忍。後門有三畦薤。而一畦大蒜。因嚼至兩畦。便大悶極。卧地湏臾。大吐。吐一物似籠。因出地漸漸小。主人持飯出。不復食。遂撮飯著所吐物上。即消成水。此病尋差。東坡物類相感志 孕婦腹內鍾鳴。有一貧士於市賣處。買得一藥方冊子。其間有一方能治婦人腹內鍾鳴。用鼠窟前畚土研羅爲末。每服二錢。麝香湯調。其疾立愈。體瘡兒出。異苑曰。晉時長山趙宣母任身。如常而髀上癰。搔之成瘡。兒從瘡出。母子平安。太平御覽。人面瘡。江左有商人。左膊上有瘡如人面。亦無他苦。商人戲滴酒口中。其面亦赤色。以物食之。亦能食。食多則覺膊內肉脹起。或不食之。則一臂有痺。善醫者教其歷試諸藥。又以草木之類悉試之。無

苦至月母其瘡乃聚眉閉口。商人喜曰。此藥可治也。因以小葦筒毀其口。灌之數日成痂。遂愈。然不知何疾也。本事方。啖物不知飽。江南逆旅中一老婦。啖物不知飽。徐德占過逆旅。老婦懇以饑。其子耻之。對德占以蒸餅啖之。盡一竹簀約百餅。猶稱饑不已。日飯一石米。隨則利之。饑復如故。京兆醴泉主薄蔡繩予友人也。亦得饑疾。每立湏啖物稍遲。則頓仆悶絕。懷中常置餅餌。雖對貴官。遇饑則便乾啖。繩有美行。博學有文。爲時聞人。終以此歿。不幸無人識其疾。每爲之哀傷。華談 腸癰疾。傳舍人忽得腸癰之疾。至劇時。往往對衆失笑。吃吃不止。此疾古人所未有。遜齋閑覽 王氏異疾。汾州王氏得病。右脇有聲。如蝦蟇。常欲手按之。不則聲聲相接。群醫弗能辨。聞晉陽山人趙巒善診。巒曰。此因驚氣入于臟腑。不治而成疾。故常作聲。王氏曰。因邊水行次。有大蝦蟇躍高數尺。鳴作一聲。王氏忽驚叫。便覺右脇牽痛。自後作聲。尚似蝦蟇也。巒乃與六神丹服之。來日取下青涎。類蝦蟇之衣。遂差。巒言。診王氏脉。右關伏結。積病也。故止作積病。治用六神丹泄之而愈。名醫錄 療饑蟲。從政郎陳撲富沙人。母高氏。年六十餘得饑疾。每作時。如蟲齧心。即急索食。食罷乃解。如是三四年。畜一猫極愛之。常置于傍。猫叫則取魚肉和飯以飼。一日猫適叫。命取鹿脯。自嚼而啖猫。至于再。覺一物上觸喉間。引手探得之。如拇指大。墮于地。頭尖。腹圓。類場沙魚。身如蝦殼。長八寸。漸大。侔兩指。其中盈實。剖之。腸肚亦與魚同。有八子胎生。蠕蠕若小鰐。人皆莫能識。爲何物。蓋聞脯香而出。高氏疾即愈。類編 小兒駁病。千金論。凡小兒有駁病者。是娘婦被惡神導其腹中。令兒病也。駁小鬼也。其病證微微下利。寒熱往來。毫毛鬚髮鬢鬚不悅者。是也。宜服龍膽湯。凡婦人先有小兒未能行。而母更有娠。使兒飲此乳。亦作駁也。令兒黃瘦骨立。髮落壯熱也。保生方 足面奇瘡。趙先生字子固。母劉氏年幾八十。左足面一瘡。下連大指。上延外踝。以至臙骨。每歲輒數發。必兼旬累月。昏暮癢甚。搔移時。出血如泉。呻吟痛楚。殆不忍。夜分即漸已。明日復然。每一更藥。則瘡轉大而劇。百試不驗。如是二十餘年。淳熙甲辰仲冬之末。先生爲太府丞。一夕母病大作。相對悲泣無計。困極就睡。夢四神僧默坐一室。旁有長榻。先生亦坐。因而發嘆。一僧問其故。先生答之以實。僧云可服牛黃金虎丹。又一僧云。朱砂亦好。既覺頗驚異。試取藥半粒強服之。良久。腹大痛。舉家且悔。俄而下礮。礮物如鐵石者數升。是夕瘡但微癢不痛。而無血。數日成痂。自此遂愈。朱砂之說。竟不復試。先生因圖僧像。如所夢者。而記其事。金虎丹方出和劑本。治中風痰涎壅。

膀癰疾。傳舍人忽得腸癰之疾。至劇時。往往對衆失笑。吃吃不止。此疾古人所未有。遜齋閑覽 王氏異疾。汾州王氏得病。右脇有聲。如蝦蟇。常欲手按之。不則聲聲相接。群醫弗能辨。聞晉陽山人趙巒善診。巒曰。此因驚氣入于臟腑。不治而成疾。故常作聲。王氏曰。因邊水行次。有大蝦蟇躍高數尺。鳴作一聲。王氏忽驚叫。便覺右脇牽痛。自後作聲。尚似蝦蟇也。巒乃與六神丹服之。來日取下青涎。類蝦蟇之衣。遂差。巒言。診王氏脉。右關伏結。積病也。故止作積病。治用六神丹泄之而愈。名醫錄 療饑蟲。從政郎陳撲富沙人。母高氏。年六十餘得饑疾。每作時。如蟲齧心。即急索食。食罷乃解。如是三四年。畜一猫極愛之。常置于傍。猫叫則取魚肉和飯以飼。一日猫適叫。命取鹿脯。

塞。所用牛黃龍腦膩粉金箔之類。皆非老人所宜服。今乃取奇效。意此疾積熟臍腑而發於皮膚。歲久根深。未易蕩滌。故假涼劑以攻之。不可以常瘡論也。神僧之夢。蓋誠孝所感。百一選方。產後腸痺。針線袋。主婦人產後腸中痺不可忍。以袋安所卧褥下。無令知之。本草。覲氣薰面腫。張德俊云。頃年有倅餘杭人。將赴官。因蒸降真木犀香。自開覲面。什覲面上為熱氣所薰。面即浮腫。口眼皆為之閉。更數醫不能治。最後一醫云。古無此證。請以意療之。於是取僧寺久用炊布。燒灰存性。隨傳隨消。不半月而愈。蓋以炊布受湯上氣多。反用以出湯毒。亦猶以鹽水取鹹味爾。醫者之智亦可喜。百一方 蛟龍病。古有患者。飲食如故。發則如癩。面色青黃。小腹脹滿。狀如妊娠。醫者診其脉與證。皆異而難明。主療忽有一山叟曰。聞開皇六年。灞橋有人患此病。蓋因三月八日邊水食芹菜得之。有識者曰。此蛟龍病也。為龍遊於芹菜之上。不幸食之而病也。遂以寒食餳每劑五合。眼之數劑。吐出一物。雖小。但似蛟龍狀。而有兩頭。其病者依而治之。獲愈。名醫錄 疑病何解。元陳留人也。一日會飲於趙修武宅。酒至數盃。忽見盃底有似一小蛇。嚥入口。亦不覺有物。但每每思而疑之。日久覺心疼。自思小蛇長大。食其五臟。明年又因舊會趙宅。恰才執盃。又見小蛇乃放下盃。

細看時。趙宅屋梁上掛一張弓。却是弓稍影在盞中。因此解疑。其心疾遂無。乃是致疑而成病也。產婦腹中癢。箭鋒及鏃。主婦人產後腹中癢。安所卧席下。勿令婦人知。本草 食鱠吐蝦墓。永微中。崔爽者。每食生魚三斗。乃足於後饑。作鱠未成。爽忍饑不禁。遂吐一物。如蝦墓。自此之後。不復能食鱠矣。宣室志 瘡破雀飛。金州防禦使崔堯封。有親外甥李言吉者。左目上臉忽痒。而生一小瘡。漸大。長如鴨卵。其根如弦。怕壓其目。不能開。堯封每患之。他日飲之酒。令大醉。遂剖去之。言吉不知覺也。贊既破。中有黃雀鳴噪而去。間奇錄 蛇在皮中。華陀別傳曰。鄉鄰有女子。右股上有瘡。瘡痒而不痛。愈而復作。佗曰。當得稻穀色犬繫馬頸。走出五十里。斷頭向瘡。乃從之。須臾有蛇在皮中動。以鐵橫貫引出。長三尺許。七日便愈。東漢注 又獨異志所載。與此相類。惟石鏡。在日南國之西南。有石鏡方數百里。光明瑩徹。可鑒五臟六腑。亦名仙人鏡。國人若有疾。輒照其形。遂知病起某臟。採藥餌之。無不差者。冷疾。直閣將軍房伯玉患冷疾。夏日常複衣。張嗣伯為診之。曰。卿熱須以水發之。非冬月不可。至十一月。令二人夾捉。伯玉解衣在石上。取冷水從頭澆之。盡二十斛。伯玉口噤。家人哭請止不可。又盡水百斛。伯玉始能動。見背上彭彭有氣。俄而起。伯玉曰。熱不可

忍。乞冷飲。嗣伯以水與之一。飲一斗。病遂差。史記人漸縮小。世有奇疾者。呂縉叔以制誥知潁州。忽得疾。但縮小。臨終僅如小兒。古人不曾有此疾。終無人識。視直如曲。有一人家。妾視直物如曲。弓弦界尺之類。視之皆如鈞。醫僧奉真親見之。二說筆談寒熱注病。又有婦人長病經年。世謂之寒熱注病。冬月中華佗令坐石槽中。平旦用冷水汲灌。云當滿百。始七十灌。冷戰欲死。佗令滿數至八十灌。熱氣乃蒸出。囂囂然高二三尺。滿百灌。佗乃使燃火溫牀。厚覆衣良久。汗洽出。着粉燥便愈。剗腹視脾。又有人病。腹中攻痛十餘日。鬚髮墮落。華佗曰。是脾半腐。可剗腹治之。使飲藥令卧破腹。就視脾果半腐壞。以刀斷之。割去惡肉。以膏傅之。即差。魏太祖聞而異之。召佗常在左右。太祖苦頭風。每作心亂目眩。佗針鬲隨手而愈。三說史記蒸之得汗。晉書曰。張苗雅好醫術。善消息診處。陳廩丘得病。連服藥發汗。汗不出。衆醫云。發汗不出者死。自思可蒸之。如中風法。溫氣於外迎之。必得汗也。復以問苗云。曾有人疲極汗出。卧簾中冷得病。苦增寒。諸醫與散四日。凡八過發汗。汗不出。苗乃燒地布桃葉於上蒸之。即得大汗。便於被下傳粉身極燥。乃起即愈。廩立如其言。果差。視胎已死。魏志曰。甘陵相夫人有娠。腹痛不安。方得六月。佗視脉曰。胎已死矣。使人。

摸。知所在。在右則女。在左則男。人云在左。於是爲湯下之。果下男形。則愈。死枕愈病。齊書曰。徐嗣伯常有人僵患滯冷。積年不差。嗣伯爲診之。曰。尸注也。當得死人枕。煮服之乃愈。於是往古冢中取枕。枕已一邊腐爛。服之即差。後秣陵人張景年十五。腹脹面黃。衆醫不能療。以問嗣伯。此石蛇爾。極難療。當得死人枕。煮服之。依語煮枕以湯投之。得大利。并蛇蟲頭堅如石者五升。病即差。後沈僧翼患眼痛。又多見鬼物。以問嗣伯。嗣伯曰。邪氣入肝。可覓死人枕。煮服之。服竟可埋枕於故處。如其言。又愈。王晏問之。曰。三病不同。而皆用死人枕。而俱差。何也。答曰。尸注者。鬼氣伏而未起。故令人沉滯。得死人枕促之。鬼氣飛越。不得復附體。故尸注可差。石蛇者。久蛇也。醫療既癒。蛇蟲轉堅。世間藥不能遣。所以須鬼物驅之。然後可散。故令煮死人枕也。夫邪氣入肝。故使眼痛。而見魍魎。應須邪物以鈎之。故用死人枕也。氣因枕去。故復埋於冢間也。太平御覽病悲思。州監軍病憚也。先與其子請于宋卿。一造問責其過失。監軍皇怖。汗出疾乃已。邵氏聞見錄。穀獨氣。殿中丞姚程腰脊痛。不可俛仰。郝曰。穀獨氣也。當食發怒。四肢受病。傳爲大小絡中。痛而無傷。法不當用藥。以藥攻之。則益痛。湏。

一年能偃仰。二年能坐。三年則愈矣。後三年果愈。同上兒生腎縮。思村王氏之子生七日。兩腎縮一。醫云硫黃茱萸研大蒜塗其腹。仍以茵草蛇交廣田周顧謂曰。此人腹中有蛟龍。上驚問黃門曰。卿有疾否。曰。臣馳馬大庾嶺時。當大熱。困且渴。遂飲水。覺腹中堅痞如石。周遂以消石及雄黃煮服之。立吐一物長數寸。大如指。視之鱗甲具。投之水中。俄頃長數尺。復以苦酒沃之如故。以器覆之。明日已生一龍矣。上甚訝之。明皇雜錄誤吞金鑽。張成忠漢上人。有女七八歲。因將母金鑽子一隻剔齒。含在口中。不覺嚥下。脣膈疼不可忍。憂惶無措。忽銀匠來見。某有藥可療。歸取藥至未飲。抄三錢令服。未早大便。取下後。問之。乃羊脰炭一物。爲末爾。名醫錄羊脰炭亦治誤吞錢炒。李生虱瘤。浮梁李生得背痒疾。隱起如覆盆。無所痛苦。唯奇痒不可忍。飲食日以削。無能識其爲何病。醫者秦德立見之曰。此虱瘤也。吾能治之。取藥服其上。又塗一綿帶。繞其圍。經夕瘤破出虱斗許。皆蠶蠕能行動。即日體輕。但一小竅如箸端不合。時時虱涌出。不勝計。竟死。予記唐小說載賈魏公鎮滑臺日。州民病此。魏公云。世間無藥可療。唯千年木梳燒灰。及黃龍浴水。乃能治爾。正與此同。鍼瘤巨虱。臨川

錄

有人瘤生頰間。痒不可忍。每以大烘炙則差止。已而復然。極以患者告之曰。此真虱瘤也。當割而出之。取油圍頂上。然後施砭。瘤才破。小虱涌出無數。最後一白一黑。兩大虱。皆如豆殼。中空空無血。與頰了不相干。略無瘢痕。但瘤所障。處止白爾。丁志。犬齧瘤得針。處士蒯亮言其所知。額角患瘤。醫爲剖之。得一黑石碁子。巨斧擊之。終不傷缺。復有足胫生瘤者。因至親家爲猘犬所齧。正齧其瘤。其中得針百餘枚。皆可用。疾亦愈。稽神袁州分宜縣有一男子。自十歲喜飲酒。至十九歲。日間飲一二斗。不醉。片時無酒。呌呌不絕。全不進食。日就羸弊。其父驚惶。叩神。忽遇一道人。令其父用手巾縛住其手足。不令動搖。但扶住少立。却取生辣酒一壘。就於其子口邊打開。其酒氣衝入口中。病者必欲取飲。而道人堅不與之。須臾口中忽吐出物一塊。直下壘中。道人即用紙封塞壘口。用猛火燒滾。約酒乾一半。却開視之。其一塊如豬肝樣。約三兩重。周迴有小孔如針眼。不可數計。棄之於江。自後此子飲食復舊。雖滴酒亦不能飲矣。治婦人臨產。服催生藥。驚動大早。未當離經而用力大過。以致盲膜有傷。產後水道中垂出肉線一條。約三四尺長。牽引心腹痛。不可忍。以手微動之。則痛苦欲絕。龍興鐵柱觀前有一產婦患此。諸醫皆用失笑散。雖略止痛。而不能

得肉線離脫。後有一道人來問證。因曰諸醫用失笑散儘不差。且不能絕根。乃買老姜三斤。淨洗不去皮。於石鉢內研爛。用清油二斤。拌勻入鍋內。煖熟。以油乾焦爲度。先用熟絹一段。約五尺長。折作結方令穩重。婦人輕輕盛起。肉線使之屈曲作一團。納在水道口。却用絹袋兜裹油姜稍溫。傳在肉線上薰。覺姜漸冷。又用熨斗火熨熱。使之常有姜氣。如姜氣已過除去。又用新者。如此薰熨一日一夜。其線已縮大半。再用前法。越兩日。其肉線盡入腹中。其病全安。不復痛矣。却服失笑散。芎歸湯補理。道人云。此乃魏夫人秘傳恆病方。切不可使肉線斷作兩截。一斷則不可醫。江西瑞州新昌縣。有一婦人年二十五歲。患癆瘵兩年。諸藥不效。一日無肉味。其腹痛不可忍。積久將斃。其家貧窮。無計得藥。又恐傳染移在空房。俟其自終。經停三日。病者腹痛氣欲將絕。思憶肉味之急。忽有人惠鷄子三枚。其病人俛仰取火。低頭取瓦鉗煎熟。吹火屢燃屢滅。鼻中如有所礙。將熟間。或噴嚏一聲。有紅線一條。自鼻中出。牽抽約二尺長。趁下瓦鉗中。其病人知是恆物。急用椀覆煎鉗中。盡力燒火不住。其鉗欲裂。方住火。開鉗視之。乃是小虫一條。頭目皆具。已蝦死如鐵線樣。即以示其家人。後棄之於江。婦人之病當即痊安。治居民逃避石窟中。賊以煙大薰之一。李師者。被煙薰欲

死。迷悶中摸索得一束蘆菔。俗名蘿蔔。嚼汁下咽而甦。蘆菔細物。活人之功如此。又炭煙熏人。往往致死。臨卧含蘆菔一片。著口中。煙氣不能毒人。或預曝乾爲末。備急用亦可。或新水擂爛乾蘿蔔飲之亦可。曾有一人自行。因嚙穿斷舌心。血出不止。諸藥不能救。遂遇名醫以米醋用雞翎掃所斷舌處。其血即止。仍用真蒲黃杏仁湯炮去皮尖。鵬砂少許。研爲細末。用煉熟蜜調藥稀稠。含化而安。**夏子益衛生十全方**治奇疾方。項上生瘡如櫻桃大。有五色瘡破即項皮斷上連髮卷去下去足脫之。乃爲肉人疾。初見此瘡。治但逐日飲牛乳自消。又方大腸頭出寸餘痛苦。直候乾自退落。又出名爲截腸病。若腸盡乃不治矣。但初覺截餘寸。治用油一盞。以臂坐之。飲大麻子汁數升愈。又方大腸出。又方大腸頭出寸餘痛苦。直候乾止。服藥不驗。廻爲氣脫。治用益智子煎湯濃服之。立愈。又方四肢節脫。但有皮連不能舉動。名曰筋解。治以酒浸黃蘆三兩。取出焙乾爲末。每服二錢。酒調下。服盡則安。又方腹脹如鐵石。脅中水出。旋變作步缺蟲之狀。繞身匝啄。痒痛難忍。撲掃不盡。治用濃煎蒼朮湯浴之。別用麝香以水調服痊。又方大腸虫出百十尺不斷。斷之復生。行坐不得。治以鵝虱末。水調五錢服之自愈。又方腹中有物作聲。隨人語言。治用板藍汁一盞。

分五服。一日又見小說。名曰應聲虫。當服雷丸。虫自愈。又方有飲油五升。以來方始快意。長得喫則安。不爾則病。此是髮入胃。被氣血裹了。化爲虫也。治用雄黃半兩爲末。水調服。虫自出。如虫出活者。置於油中。逡巡間自耗。經驗方云連油潑於長江。又方卧於床。四肢不能動。只進得飲食。好大言說喫物。謂之失他物望病。如說食猪肉時。便云你喫猪肉一頓。病者聞之即喜。遂置肉。今病人見臨要却。不與喫。此乃失他物望也。當自睡口中。吐出便愈。又方手十指節斷壞。唯有筋連無節。肉虫出如燈心簾。長數尺。遍身綠毛眷多。名曰血餘。治以茯苓胡黃連煎湯飲兩盞愈。又有虫如蟹走於皮下。作聲如小兒啼。爲筋肉之化。治用雷丸雄黃各一兩爲末。擦在豬肉一片上。炙熟喫盡自安。又方手足甲忽然長倒。生刺肉如錐。痛不可忍。治只便喫葵菜自愈。又方脅破腸出自穢多。急以油摸腸。却送入煎人參枸杞湯淋之。皮自合矣。喫羊腎粥十日愈。又方口鼻中氣出盤旋不散。凝如黑蓋色。過十日則漸漸至肩背。與肉相連。堅勝金石鐵。無由飲食。此多因瘡後得也。治煎澤鴻湯日飲三盞。連服五日愈。又方眉毛搖動。目不能視。交睫喚之不應。但能飲食。有經日不較者。治用蒜三兩。取汁酒調下立愈。又方毛竅非一次齊出血。不出皮張膨脹。

如鼓。須臾眼鼻口被氣脹合。此名豚溢。治飲生姜水二盞自安。又方頭面發熱有光色。他人手近之如火燒人。治用蒜汁半兩。酒調下。吐出蛇牀遂安。又方牙齒逐日長。漸漸脹開口。難爲飲食。蓋髓溢所致。只服白朮愈。又方遍身忽皮底混混如波浪聲。痒不忍。抓之肉血出。亦不能解。調之氣奔。治以人參苦杖青鹽白朮細辛各一兩爲末。作一服。水二碗。煎拾數沸去滓飲盡便愈。又方眼白人渾黑。見物依舊。毛髮直如鐵條。雖能飲食不語。如大醉。名曰血潰。治之用五靈脂二錢爲末。酒調下。又方每至臨卧。渾身虱出。約之五升。隨手血肉俱壞。每宿漸多痒痛不可名狀。唯喫水卧在牀上。晝夜號哭。舌尖出血不止。身齒俱黑。唇動鼻開。治之但飲鹽醋湯拾數盞即愈。又方遍身忽然肉出如錐。既痒且痛。不能飲食。此名血住。若不速治。必潰而膿出。治以赤皮葱燒灰淋洗。喫豉湯三盞自安矣。阮霖經驗良方治奇疾方。治人發寒熱不止。經久日後。四肢堅如石。以物擊之似鍾磬聲。日漸瘦惡。用茱萸木香等分煎湯飲。即日可愈。又方治口鼻中腥臭水。以椀盛之。有鐵色鯰魚。如梗米大。走躍不住。以手捉之。即化爲水。此肉壞矣。用任意饌食鷄月餘愈。又方治兩足心凸。如腫上面生黑色豆瘡。硬似釘子釘了。履地不得。脛骨生碎。眼眶流出。身發寒

顫。唯思飲酒此是肝腎氣冷熱相呑。用炮川烏頭米傅之煎韭子湯服可愈。又方治玉柯硬不瘻。即外腎精流無歇。時時如針狀。捏之則脆碎。乃爲腎滿漏疾。用韭子破故紙各一兩爲末。每服三錢水一大盞。煎至六分。每日三次飲之愈。即住服。又方治咽喉間生肉。層層相疊。漸漸腫起不痛。多日乃有竅子臭氣自出。遂退飲食。用臭橘葉煎湯連服愈。又方治眼前常見諸般禽蟲飛走。以手捉之則無。乃肝膽經爲疾。用酸棗仁羨活玄明粉青桐子花各一兩爲末。每服二錢水一大盞。煎至七分。和滓飲。一日三服。又方治眼睛垂出至鼻。如黑角色。痛不可忍。或時時大便出血。其名曰肝脹。用羨活煎汁服數盞自愈。又方治因着艾灸訖。火痴便退落。瘡內鮮肉片子飛如蝶狀。騰空去了。痛不忍。是血肉俱熱。用大黃朴硝各半兩爲細末。水調下。微利即愈。又方治眼赤。鼻張大喘。渾身生斑。毛髮起如銅鐵。乃目中熱毒氣結於下。治用白礬滑石各一兩爲末。都作一服。水三椀煎至半。令不住飲。候盡乃安。又方治鼻中毛出。晝夜可長一二尺。漸漸寬圓如繩。痛不忍。雖忍痛摘去一莖。即後更生。此由食猪羊血過多。遂生。用乳石硝砂各一兩爲末。以飯丸。如梧桐子大。空心臨卧各一服。水下十粒。自然退落。又方治面上及遍身生瘡似猫兒眼。有光

彩無膿血。但痛痒不常。飲食減少。久則退腔。名曰寒光疾。治以多喫魚雞。葱韭自愈。又方治忽然氣上喘不能語言。口中汁流吐逆。齒皆搖動。氣出轉大。則悶絕復蘇如是。名曰傷寒。併熱霍亂。用大黃人參末各半兩。水三盞。煎至一盞。去滓熱服可安。又方治口內生肉。甚惡自己惡見。有根線長五寸餘。如釘股吐出。以飲食了。却吞其線。以手輕捏。痛徹於心。困不可言。用水調麝香一錢。服三日驗。又方治渾身生燎炮。如甘棠梨。每箇破出水。內有石一片。如指甲。箇大泡復生。抽盡肌膚肉。則不可治。急用京三稜蓬莪术各五兩。分三服。酒調下。連服愈。又方治人自覺自形。作兩人並卧。不別真假。不語。問亦無對。乃是離窶。用辰砂人參茯苓濃煎。湯服之。真者氣爽。假者化矣。又方治有病呵欠口不合。及卒然牙關緊。滴水不能入以至死者。但用鹽梅二箇肉擦之。牙關即口開。既口開後。又口不合者。亦用鹽梅肉擦兩巨牙即合。此是風證。又方治凡喫着桃生魚肉。及一切所食之物。皆可挑。如茶湯瓜果之類。今但舉魚肉爲例。即時便覺胃膈略痛。日漸攬刺。至十日生在腹中能動。騰上則胃滿。沉下則腹脹。漸加瘦悴。是其候也。如生在上膈。用膽礬末半錢。用熱茶一盞。將礬在茶內。候礬化盡。通口服。少頃用鷄翎入喉中微攬。即吐下毒物。如生在下

膈。用鬱金二錢。飯飲調服。即鴻下。却補以人參半兩。白朮半兩爲末。用無灰酒二升。用藥末入瓶內。慢火煨半日。覺酒熱。取出放溫。每服一盞。五日止。任便飲食。又方治有人夜間飲水。誤吞水蛭入腹。經停月餘日。必生死。用田中乾泥一小塊。小死魚三四箇。將豬膏溶油攪勻。用巴豆十粒去殼。膜拌入泥內研爛爲圓。如菉豆大。用田中冷水吞下十圓。小兒只用三圓至五圓。湏臾大小水蛭一時皆鴻出。却以局方四物湯加黃芪煎服。生血補理。又方治人身身上及頭面肉上浮腫。如蛇狀者。右以雨滴磚堵上苔痕一錢。水化開塗蛇頭立消。又方芎歸湯。治婦人產後忽兩乳伸長細小如腸。垂墜直過。小肚下痛不可忍。危亡湏臾。名曰乳懸。川芎當歸各二斤。右將芎歸各半斤。㕮咀於瓦器內。用水濃煎。不拘時候。多少溫服。餘芎歸各一斤半。剉作大塊。用香爐慢火。逐旋燒煙。安在病人面前卓子下。要煙氣直上不絕。令病人低頭伏卓子上。將口鼻及病乳常吸煙氣。直候用此一料藥盡。看病證如何。或全未安。或略縮減。再用一料如前法煎服。及燒煙熏吸必安。如用此二料已盡。雖兩乳略縮上。而不能復舊者。用冷水磨草麻子一粒。於頭頂心上塗。片時即洗去。則全安矣。此通真

子秘方。夢溪筆談。世有奇疾者。呂縉叔以知制誥。知潁州。忽得疾。但縮小。臨終僅如小兒。古人不曾有此疾。終無人識。有松滋令姜愚。無他疾。忽不識字。數年方稍稍復舊。又有一人家妾視直物。皆曲弓弦。界尺之類。視之皆如鉤。醫僧奉真親見之。江南逆旅中一老婦。啖物不知飽。徐德占過逆旅。老婦憇以飢。其子耻之。對德占以蒸餅啖之。盡一竹簍。約百餅。猶稱飢不已。日飯一石米。隨即病之。飢復如故。京兆醴泉主薄蔡繩。余友人也。亦得飢疾。每飢立湏啖物稍遲。則頓仆悶絕。懷中常置餅餌。雖對貴客。遇飢亦便訖。嗟繩有美行。博學有文。爲時聞人。終以此不幸。無人識其疾。每爲之哀傷。莊李裕難脉編。叅知政事孟庾夫人徐氏。奇疾。每發於聞見。即舉身戰栗。至於幾絕。其見母與弟皆然。母至死不相見。又惡聞徐姓。及打銀打鐵聲。買物不得。見有餘錢。亦不欲言一文。嘗有一婢。使之十餘年。甚得力。極喜之一。一日偶問其家所爲業。婢云打銀。疾亦遂作。更不可見。竟逐去之。至於其他。皆無所差失。醫祝無能施其術。蓋前世所未嘗聞也。

水樂大典卷之二萬三百十

永樂大典卷之二萬三百十一 二質

疾

詐疾

李元剛厚德錄 曹彬攻金陵。垂克忽稱疾不視事。諸將皆來問。疾彬曰。余之病。非藥石所愈。惟諸公共發誠心自誓。以不妄殺。

一人則自愈矣。諸將許諾。共焚香爲誓。明日稱愈。及克金陵。城中皆按堵如故。曹翰克江州。忿其久不下。屠戮無遺。彬之子孫貴盛。至今不絕。翰卒未三十年。子孫有乞丐於海上者。

宋鑑長編

太宗時

姚坦爲益王府翊善。

好直諫。王每有過失。坦未嘗不盡言規正。宮中自王以下。皆不喜。左右乃

教王稱疾不朝。上使醫視之。逾月不瘳。上甚憂之。召王乳母入宮。問王疾。增損狀。乳母曰。王本無疾。徒以翊善姚坦。檢束王起居。曾不得自便。王不

樂。故成疾耳。上怒曰。吾選端士爲王僚屬者。固欲輔佐王爲善爾。今王不能用規諫。而又詐疾。欲使朕逐去正人以自便。何可得也。且王年少。未知

出此。必爾輩爲之謀耳。因命猝至後園杖之數十。召坦慰諭之曰。卿居王宮。爲群小所嫉。大爲不易。卿但能如此。無患讒言。朕必不聽也。

天

疾

穀梁傳。有天疾者。

周禮

四時皆有癘疾。又大札則令邦國

不得入於宗廟。

官小祝掌小祭祀將事侯禳禱祠之祝號以祈

福祥順豐年逆時雨寧風旱彌戴兵遠臯疾。

骨蒸疾

移人注大札疾疫也。移人避灾也。又春

宗累進散騎侍郎關中多骨蒸疾。

骨髓疾

劉子貴言篇相侯不採轉相染得者皆死。胤宗療視必愈。

越人之說卒成骨髓之疾。注越人扁鵲也。于時來入齊見相侯有疾曰公疾可理。公曰老醫欲以不患者為已驗。扁鵲出明日又見告相公曰君疾可治。相公曰無疾可治。見相公謂曰我前不患君欲理病今者既患君何棄而去。扁鵲曰初見君後日來見相公乃走。扁鵲去後公患差人尋覓扁鵲欲使理病。扁鵲則來見相公曰此善良醫以禮發相公於是卒也。

腸癰疾

倦游錄傳舍人忽得腸癰之疾至劇時往對衆失笑吃吃不止此疾古人之所未有。

蛤精疾

太原故事北齊右僕射徐之才善醫術時有人患脚腿腫痛諸醫莫能識之。窺之曰蛤精疾也。得之當由乘船入海垂腳水中疾者曰實曾如此。爲

割之得蛤子二个如榆莢。

心腹之疾

國語吳王夫差既許越成乃大戒師徒將以伐齊申胥進諫曰昔天以越賜吳。

而王弗受夫天命有反今越王句踐恐懼而改其謀舍其愆令輕其征賦施民所善去民所惡身自約也裕其衆庶其民殷衆以多甲兵譬越之在吳也猶人之有心腹之疾也夫越王之不忘敗吳於其心也戚然服士以同吾間注間隙也今王非越是圖而齊魯以爲憂夫齊魯譬諸疾疥癬也。豈能涉江淮而與我爭此地哉將必越實有吳土戰國策秦王謂公子他曰日者秦楚戰於藍田韓出銳師以佐秦秦戰不利因轉與楚不固信盟唯便是從韓之在我心腹之疾吾將伐之何如公子他曰王出兵韓韓必懼懼則可以不戰而深取割王曰善詳趙史記伍子胥傳吳王聞齊景公死而大臣爭寵新君弱乃興師北伐齊伍子胥諫曰句踐食不重味吊死問疾且欲有所用之也此人不死必爲吳患今吳之有越猶人之有腹心疾也而王不先越而乃務齊不亦繆乎吳王不聽大敗齊師於艾陵詳本傳商君傳鞅說孝公曰秦之與魏譬若人之有腹心疾非魏并秦秦即

并魏何者魏居嶺阪之西都安邑與秦界河而獨擅山東之利利則西侵秦病則東收地今以君之賢國賴以盛而魏往年大破於齊諸侯畔之可

因此時伐魏。魏不支秦必東徙。秦因據河山之固。東鄉以制諸侯。此帝王之業也。**資治通鑑**唐玄宗開元元年十二月。姚崇既爲相。紫微令張說懼。乃潛詣岐王申歎。他日崇對於便殿。行微蹇。上問有足疾乎。對曰。臣有腹心之疾。非足疾也。上問其故。對曰。岐王陛下愛弟。張說爲輔臣。而密秉車入王家。恐爲所誤。故憂之。癸丑說左遷相州刺史。後晉齊王紀帝既與契丹絕好。數召吐谷渾酋長白承福入朝。宴賜甚厚。承福遣其部落還太原。畜牧於嵐石之境。部落多犯法。劉知遠與郭威謀曰。今天下多事。置此屬於太原。乃腹心之疾也。不如去之。**關尹子**九藥篇。金王難捐。土石易捨。學道之士。遇微言妙行。慎勿執之。是可爲而不可執。若執之者。腹心之疾無藥可療。**宋蘇轍集**上皇帝書。陛下厲精而察之。去民之患。如除腹心之疾。

膏肓之疾 左傳晉侯病。求醫於秦。秦伯使醫緩爲之。未至。公夢病爲二堅子。曰。彼良醫也。懼傷我焉。逃之。其一曰。居肓之上。膏之下。若我何。醫至。曰。疾不可爲也。在肓之上。膏之下。攻之不可。達之不及。藥不至焉。公曰。良醫也。厚禮而歸之。**晉史**揮塵王戎。性好興利。廣收八方園田水確。周徧天下。積實聚錢。不知紀極。每執牙籌晝夜算計。恒若不足。而又儉嗇。不自奉養。天下人謂之膏肓之疾。女適裴頫。貸之。

天地漫漫。緩之則壽。撓之則散。善養命者。鮀背鶴髮成童兒。鮀音台。魚名也。老人背有鮀文。善輔弼者。殷辛夏桀爲周漢。殷辛紂也。非藥曷以愈疾。

非兵胡以定亂。喪亡之國。在賢哲之所扶匡。而忠義之心。豈膏肓之所羈絆。音半余能理亡國之利弊。利五官切刺也。愈膏肓之患難。君謂之何以醫。曰。夫八絃之外。絃音宏六合之中。始自生靈。及乎昆蟲。神安則存。神喪則終。亦猶道之紊也。患出於邪佞。身之憊也。憊蒲拜切。疾生於火風。彼膏肓之與顛覆。匪藥石而能攻者哉。因此而言。曰。予今變禍爲福。易曲成直。寧關天命。在我人力。以忠孝爲干樽。以信義爲封殖。拯厥兆庶。綏乎社稷。一言而熒惑退舍。宋景公事詳見貞符注一揮而義和匪旻。義和日御也。魯陽公與韓戰。酣日暮。援戈而揮之曰。為之反三舍。出淮南子。桑穀生庭而自滅。野雉雊而自息。雊古候切。事並見貞符注誠天地之無親。曷膏肓之能極。醫者遂口噤心醉。噤巨京切。躅歟茫然。躅音局。投棄針石。匍匐而前。匍扶蒲二音。匍音伏。又蒲墨切。吾謂治國在天子。謂治國在賢。治一本作活。吾謂命不可續。子謂命將可延。詎知國不足理。疾不足痊。佐荒淫爲聖主。保天壽而長年。皆正直之是與。庶将来之勉旃。

重脰之疾

書林事類傳韻瑕氏土薄水淺。其惡易遘於是。

有沉溺重
脰之疾。

清癟之疾

類說袁質舊之少子。風力俊美。不墜家聲。始逾志學之年。便有清癟之疾。昔見其筆勢遒勁。與父畫不殊。

霜露之疾

事林廣記答人問疾曰。霜露之疾。漢公孫弘病篤。上書願乞骸骨。上報曰。君不幸。懼

霜露之疾。何恙不已。今事少間。君其存精神。止念慮。輔醫藥以自持。因賜告牛酒雜帛。居數月。有瘳。音拙。視事。

霧露之疾

東漢書皇后紀序。任重道悠。利深禍速。身犯霧露於雲臺之上。注云。霧露謂疾病也。不可指言死。故假霧露以言之。靈帝時。中常侍曹節矯詔遷太后於雲臺。謝弼上封事曰。伏惟皇太后。援立明聖。幽居空宮。如有霧露之疾。陛下當何面目以見天下。

禿鬚之疾

鄭氏

抱朴子內篇劉俗卷。若子言不恃他物。則宜擣肉治骨。以爲金瘡之藥。煎皮髮髮。以治禿鬚之疾耶。譚綺鄭克之。疾謂跛也。則有喜。

尸媚之疾

太平廣記葉法善有神術。蜀川張尉之妻死而化生。復爲夫婦。法善識之曰。尸媚之疾也。

也。詳妄。

尸媚之疾

易无妄。九五。无妄之疾。勿藥有喜。程傳。則有喜。

不速除之。張尉死矣。

迷罔之疾

列子有迷罔之疾。饗香以爲朽。

借生之

疾

莊子有借生之疾。與體俱長。

精思致疾

列子相潭新論余少時見揚子雲之麗文高論不自量年少新進而

猥欲逮及。嘗激一事而作小賦。用精思太劇。而立發疹。子雲亦言成帝上甘泉詔。召作賦。卒累及。倦卧夢其五藏出在地。以手收內。及覺。大少氣疾。

一歲孟虯致疾

風俗通應邵之祖郴爲汲令。以夏至日請主簿杜宣賜酒。時北壁上有懸赤弩。照於孟中。其形

如蛇。宣惡之。然不敢不飲。其日便得疾。云。蛇入腹後。郴使宣於故處設酒。孟中復有蛇。因謂宣。此乃壁上弩影耳。非有他怪。宣遂解甚怡懌。冊府元龜樂廣。字彥輔。爲侍中。河南尹。嘗有親客久闊不復來。廣問其故。答曰。前在坐蒙賜酒。方欲飲。見孟中有蛇。意惡之。既飲而疾。于時河南廳事壁上有角漆畫作蛇。廣意孟中蛇即角影也。復置酒於前處。謂客曰。酒中復有所見。不答。所見如初。廣乃告其所。客豁然意解。沉疴頓愈。羅泌路史發揮。關龍逢篇。弓影致疾一事也。風俗通以爲杜宣。晉史以爲樂廣之客。

食虯致疾

宋史党進傳。進爲忠武軍節度使。一

日歸自外。有大蛇卧榻上。寢衣中。進怒烹食之。遇疾卒。因拜致疾

隋書列傳。元德太子煬煬帝長子也。大業元年

帝遣使者立爲皇太子。明年朝於雒陽。後數月將還京師。顧得少留。帝不許。拜請無數。牀素肥。因致勞疾。帝令巫者視之。云。房陵王爲祟所憑。未幾而薨。夢虎致疾。天寶遺事。周象者好畋獵。後爲汾陽令。忽夢一乳象門。謂隣叟曰。此居有妖氣。久則不可救也。隣叟遂聞於象。象召僧令視之。僧曰。當與君禳之。遂擇日設壇持劍禹步誦咒。自大門而入。至於寢所。繞患人數匝而叱之。忽於床下作一虎聲。家人悉驚奔散。周象亦不覺。自床下伏死於地。僧以水噀之。湏臾如故。燎丹致

疾

新唐書。武宗賢妃王氏傳。帝稍惑方士說。欲餌藥。長年後。寢不豫。才人每謂親近曰。陛下日燎丹。言我取不死。膚澤消槁。吾獨憂之。俄而

氣。陽升於上。積陽相薄。故曰墮陽也。薄氣發瘡。驚怖爲狂。憂悲多恚。病乃成積。好憎繁多。禍乃相隨。

七情致疾

淮南子。原道人。大怒破陰。大喜墮陽。許慎曰。怒者。陰氣也。陰爲堅冰。積陰相薄。故破陰。喜者。陽

氣。陽升於上。積陽相薄。故曰墮陽也。薄氣發瘡。驚怖爲狂。憂悲多恚。病乃成積。好憎繁多。禍乃相隨。

酒色致疾

和靖

近時措大讀書而不知孝。澤民不是不讀書。豈不知孟子謂事親以守身爲大。不能守身則不能事親。不能事親則便是不孝。孝經言孝之始。身體髮膚受之父母。不敢毀傷。今以口體之欲。以致廢疾。則其毀傷也孰大焉。

愧恨成疾

資治通鑑

唐代宗廣德二年。李光弼在齊州擁兵不朝。諸將田神功等不復稟。畏光弼。愧恨成疾。已酉薨。

驚懼成疾

資治通鑑

唐穆宗長慶二年三月戊申。李光顏所將兵聞當留滄景。皆大呼西走。光顏不能制。因驚懼成

疾。已酉上表因辭橫海節。乞歸許州許之。

哀毀成疾

溫州府志

周忠輔。永嘉人性至孝。母葉氏嘗病癱。竭力醫治。藥必親嘗。衣不解帶。及母亡。哀毀成疾。

居廬成疾

元史

孝義傳。邵敬祖父喪廬墓。母歿。不去前後。居廬六年。兩髀俱成濕疾。

奉使得疾

文昌雜錄

元英昨充元豐五年賀北朝元旦國信使。行至神水

驛。苦風眩昏亂。不記省。隨行小史輩環坐以泣。通一昔方稍安。是年元旦接伴使杜刑部絃。至深澤縣界中浴。幾不可救。劉右司執充賀同天節接

伴使。沿路病傷寒。至滑州增劇。然艾數百肩輿以歸。後累月方安。一歲中奉使者皆得疾。危甚。殊可怪也。

嗜酒得疾

後山談叢

祕書丞張鍔。嗜酒得奇疾。中身而

分。左常苦寒。雖暑月中。鞍袍袴紗綿相半。

新唐書

忌傳。無忌族叔順德。喪息女感疾甚。太宗薄之。謂房玄齡曰。順德無剛氣。以兒女牽愛至大病。胡足卹。未幾卒。

憂父之疾

宋史

淮南鴻烈解說林訓憂父之疾者。子治之者子。醫論語曰。父母惟其疾之憂。故曰憂之者子。

棄官侍父疾

宋史

顏衍傳。衍嘗仕後晉。爲河陽三城節度副使檢校。左庶子。知州事。居半歲。得家問父。在青州有風痺疾。衍不奏棄官去侍疾。不復有仕宦意。歲餘。父疾不能起。衍親自刲股愈母疾。人第進士調望江令。治以教誨。未嘗少倦。

刲股愈母疾

宋史蕭服傳。服字昭甫。廬陵人。第進士調望江令。治以教誨。

化爲本。訪古跡。得王祥卧冰池。孟宗泣荀臺。皆爲築亭。又刻唐縣令鞠信陵文于石。俾民知所嚮也。已而邑人朱氏女刲股愈母疾。人頌傳之。以爲治化所致。金史溫迪罕幹脣補傳。幹脣補年十五。居父喪。不飲酒食肉。廬于墓側。母疾刲股肉療之。疾愈。詔以爲護衛。

心痛知

母疾

南郡新書張志安居鄉間稱孝。差爲里正在縣忽稱母疾。急白縣令。令問志安曰。母有疾。志安亦病。適患心痛。是以知母有疾。令拘之。差人覆之。果如此。說尋奏。

高祖表門閭。尋拜散騎常侍。

侍太子疾

西漢書王褒傳。宣帝時。太子體不安。苦忽

忽善忘。不樂。詔褒等皆之太子宮廬侍太子。朝夕誦讀奇文。及所自造作。疾平迺歸。

問婦人疾

詳本傳。禮記坊記。

婦人疾。問之不問其疾。

注。嫌娟略之也。問增損而已。

家居侍疾

續後漢書范粲傳。粲子喬以父粲陽狂不言。乃與二弟並絕人事。侍疾家庭。粲沒。居喪毀瘠。眼闕亦不出里邑。

後一舉孝廉。八薦公府。再舉清白異行。又舉寒素。一無所就。

疾

世說新語。荀巨伯遠看友人疾。值胡賊攻郡。友人語巨伯曰。吾今死邪。賊既至。謂巨伯曰。大軍至。一郡盡空。汝何男子而敢獨止。巨伯曰。友人有疾。不忍委之。寧以我身代友人命。賊相謂曰。我輩無義之人。而入有義之國。遂班軍而還。一郡並獲全。

視士卒疾

事文類聚。蓋寬饒爲衛尉司馬。躬按行士卒廬室。視其飲食居處。有疾病

者。身自撫循臨問。致醫藥遇之甚恩。

曾子有疾

論語曾子有疾。召門第子曰。啓予足。啓予手。而今而後。吾知免夫。小子。

伯牛有疾

論語伯牛有疾。子問之。自牖執其手。包曰。牛有惡疾。不欲見人。曰。亡之。命矣夫。斯人也。而有斯疾也。

昭王有疾

存心錄魯哀公六年秋七月。楚昭王有疾。卜曰。河爲祟。王弗祭。大夫請祭諸郊。王曰。

三代命祭祀。不越望江漢睢漳楚之望也。禍福之至。不是過乎。不穀雖不德。河非所獲罪也。遂弗祭。孔子曰。楚昭王知大道矣。其不失國也宜哉。

聲子有疾

冊府元龜。褚師聲子衛大夫。衛侯爲靈臺于籍圃。與諸大夫飲酒焉。聲子轂而登席。古者見君解轂。公怒。

辭曰。臣有疾異於人。足有瘡疾。若見之。君將轂之。轂。歐立也。

晉侯有疾

白氏六帖。晉侯有疾。叔向問子產曰。寡君

疾病。卜人曰。實沉臺鮀爲祟。敢問何神也。子產曰。實沉參神也。臺鮀汾神也。二者不及君身。君身則出入飲食哀樂之事。山川星辰之神。又何爲焉。

李廣遇疾

冊府元龜。李廣字弘基。范陽人也。文宣天寶初。欲以爲中書郎。遇疾。資產屢空。藥石無繼。廣雅有鑒識。度

量弘遠。坦乎無私。爲士流所愛。歲時共贍遺之。賴以自給。竟以疾終。

韋陟卧疾

尚書使子第問之。

臥內悉籍茵蓆襪。而登階。侍婢皆笑。

季孫不疾

家語子貢問鄉學大成。孔子適季氏。康子畫居內寢。孔子問其所疾。

康子出見之。言終。孔子退。子貢問曰。季孫不疾而問諸侯禮與。孔子曰。夫禮君子不有大故則不宿於外。非致齊也。非疾也。則不畫寢於內。是故夜居於外吊之可也。晝居於內。雖問其疾可也。

庾袞無疾

書林事類。庾袞字叔褒。咸寧中大疫。二兄俱亡。次兄毗復

病。癘氣方盛。父母諸弟皆出於外。袞獨不去。父母強之。袞親自扶持晝夜不眠其間。又撫柩哀號不輟。十餘旬。疾勞消渴。家人乃反毗疾差。袞亦無

疾稱疾不行

史記鄭世家。鄭子亹往會高渠彌相從。祭仲稱疾不行。所以然者。子亹自齊襄公爲公子之時。嘗會

鬪相仇。及會諸侯。祭仲請子亹無行。子亹曰。齊疆而厲公居櫟。即不往。是率諸侯伐我。內厲公。我不如往。往何遽必辱。且又何至是。卒行。於是祭仲恐齊并殺之。故稱疾。子亹至不謝齊侯。齊侯怒。遂伏甲而殺子亹。高渠彌亡歸。

稱疾不朝

西漢書吳王濞傳。孝文時。

吳太子入見。得侍皇太子飲博。吳太子殺之。於是遣其喪歸葬吳。吳王愠曰。天下一宗。死長安。即葬長安。何必來葬。復遣喪之長安葬。吳王由是怨望。稍稱疾不稱疾不起。既誅。瓊首居公位。舉奏州郡。素行貪汙。

朝詳本傳

兩漢書黃瓊。字世英。延熹二年。梁冀

至死。徙者十餘人。海內由是翕然望之。尋而五侯擅權。傾動内外。自度力不能斥。乃稱疾不起。四年。以寇賊免。續後漢書。潘濬傳。濬字承明。漢昭烈領荊州。以濬爲治中從事。及入蜀。留典州事。孫權殺關羽。并荆土。將吏皆歸附。而濬獨稱疾。遣人以牀就家輿致之。濬伏面著牀不起。涕泣交橫。哀哽不自勝。權慰勞與語。呼其字曰。承明。昔觀丁父都俘也。武王以爲軍師。彭仲爽申俘也。文王以爲令尹。此二人。卿荆國之先賢也。初雖見囚。後皆擢用爲楚名臣。卿獨不肯降。意將以孤異古人之量邪。使親近以手。中拭其面。濬起下地拜謝。即以爲治中。荊州諸軍事。一以諳之。東觀漢記。王良以疾歸。一歲復徵至蒙陽。疾篤不任進道。乃過其友人。友人不肯見。曰。不有忠言奇謀。而取大位。何其往來屑屑。不憚煩也。遂拒之。良慙。自後連徵疾。輒稱

稱疾不出。事文類聚程子儀。三入翰林。意望入兩府。頗不懌。稱疾不出。朝士問候者繼至。詢之云。虛熱上

攻石中立在坐云。只消一眼清凉。

意謂兩府始得用青涼傘也。

稱疾去職

晉書

鄧攸爲吳郡

太守。稱疾去職。

人歌曰。鄧侯挽不來。謝令推不去。

稱疾遲留

李翰蒙求晉唐彬。與王渾王濬代

吳。彬據衝要。爲衆軍前駛。自巴陵

汚口以來。諸賊所聚。莫不震懼。倒戈肉袒。彬知孫皓將降。未至建鄴。二百里稱疾。遲留以示不競。既而先至者爭物。後至者爭功。識者高彬此舉。

稱疾請留

五代歐史

李愚傳。魏王繼岌伐蜀。軍行至寶雞。招討

判官陳乂稱疾請留。

愚厲聲曰。陳乂見利則進。知難

則止。今大軍涉險。人心易搖。正可

斬之以徇。由是軍中無敢言留者。

引疾附家

言行龜鑑張公燾

國言事不從。即引疾附家。孝平王皇后太司馬莽女也。

定安公太后時年十八矣。爲人婉慤有節操。自劉氏廢常稱疾不朝會。莽

敬憚傷哀。欲嫁之。乃更號爲黃皇室主。令成新公孫建世子祿飾將醫往

問疾。后大怒笞鞭其傍侍御。因發病不肯起。莽遂不復彊也。及

漢兵誅莽。燔燒未央宮。后曰。何面目以見漢家。自投火中而死。

閉門

兩漢蒙求孝平王皇后太司馬莽女也。事高宗時。秦檜當

莽即真以嬰爲定安公。改皇太后號爲

定安公太后。時年十八矣。爲人婉慤有節操。自劉氏廢常稱疾不朝會。莽

敬憚傷哀。欲嫁之。乃更號爲黃皇室主。令成新公孫建世子祿飾將醫往

問疾。后大怒笞鞭其傍侍御。因發病不肯起。莽遂不復彊也。及

漢兵誅莽。燔燒未央宮。后曰。何面目以見漢家。自投火中而死。

稱疾

續後漢書

劉巴傳。巴至益州。劉璋見之甚喜。咨訪政事。璋遣法

正迎昭烈。巴諫曰。備雄人也。入必爲害。若使討張魯。是放虎於山林也。璋不聽。巴閉門稱疾。昭烈攻成都。令軍中曰。有害巴者誅三族。昭烈定益州。巴辭謝。昭烈不責。

上封事稱

疾 續後漢書董扶傳。永康元年。日食。詔舉賢良方正之士。策問得失。左

馮翊趙謙等舉扶。扶以疾不克詣。送於長安上封事。遂稱疾篤。歸家。

前後宰府十辟。公車三徵。再舉賢

良博士有道。皆不就。名稱尤重。

軍敗稱疾

資治通鑑高宗永

前後都督李敬玄。軍既敗。屢稱疾請還。上許

校。鄯州都督李敬玄。軍既敗。屢稱疾請還。上許

之。既至無疾。詣中書視事。上怒。貶衡州刺史。

累表稱疾

資治通鑑

後周紀。樞密使王峻。性輕躁多計。數好權利。喜人附已。因見帝進用舊時將佐。心嫉之。累表稱疾。求解機務。以調帝意。帝遣左右慰勉令視事。

恃才托疾

東漢書符融傳。漢中晉文經。梁國黃子艾。恃其才智。

坐門間疾。猶不得見。三公所辟召者。輒以詢訪之。隨所臧否。以爲孚奪。融察其非真。乃到大學。并見李膺。曰。二子行業無聞。以豪傑自置。遂使公卿

問疾。王臣坐門。融恐其小道破義。空譽違實。願特察焉。二人由是名論漸衰。賓徒稍省。旬日之間。慙嘆逃去。後果爲輕薄子。並以罪廢。融由此益知名。

惡弟托疾

東漢書

謝該字文儀。仕爲公車司馬令。以父母

之

老託疾去官。欲歸鄉里。會荊州道斷。不得去。

惡弟托疾

晉書王戎族弟敦。有高名。戎惡之。敦每候戎。輒

託疾不見。敦後果爲逆亂。其鑒賞先見如此。

官辭疾

東漢書楊倫傳。陽嘉二年。徵倫拜太中大夫。因出補常山。

王傳病不之官。詔書勅司隸催促發遣。倫乃留河內朝歌。

以疾自上曰。有留死一尺。無北行一寸。刎頸不易。九裂不恨。匹夫所執。彊於三軍。固敢有辭。帝乃下詔曰。倫出幽升高。寵以藩傳。稽留王命。擅止道路。託疾自從。苟肆猶志。遂徵下廷尉。有詔原罪。召後武帝下詔。敦逼謐上疏力辭曰。臣抱釁牀蓐。軀半不仁。十有九載。竟不仕。累表辭疾。事文類聚晉皇甫謐自號玄晏先生。有風痺之疾。不應辟。年。嶺南節度使韋宙。且知康承訓所爲以書白宰相。承訓亦自疑懼。累表辭疾。乃以承訓爲右武衛大將軍分司。

上疏辭疾

事文類聚晉皇甫謐自號玄晏先生。有風痺之疾。不應辟。

累表辭疾

資治通鑑居懿宗咸通五年。

辭疾不

新唐書崔胤傳。崔胤居華時。爲全忠數。畫醜計。全忠引兵還屯河中。約和。帝急召之。墨詔。胤迎謁渭橋。奉觴爲全忠壽。自歌以醡酒。會茂貞殺全誨等。與全忠者四。朱札三。皆辭疾。辭疾不入。石林燕語國初貢舉法未備。公卿子弟多難於進取。蓋恐其請託也。范杲魯公之兒子。見知陶穀竇儀。皆待以甲科會。有言世祿之家。不當與寒俊爭科名者。遂不敢就試。李內翰宗諤已過省。以文正爲相。唱名辭疾。不敢入。亦被黜。文正罷相。方再登科。伏羲制疾。羅泌路史後紀伏羲察六氣。審陰陽。以賚之身。而四時水火陞降。得以有象。百病之理。得以有類。於是嘗草治砭。以制民疾。而人滋信。

趙王避疾

兩漢蒙求魯丕

趙王商。嘗欲避疾。便時移住學宮。丕止不聽。王乃上疏自言。詔書下丕。丕奏曰。臣聞禮諸侯薨於路寢。大夫卒於嫡室。死生有命。未有逃避之典也。學宮傳五帝之道。脩先王禮樂教化之處。王欲廢管輶占疾。塞以廣游讌。事不可聽。詔從丕言。王以此憚之。

管輶占疾

續

漢書管輶傳。注。華城門夫人者。魏故司空涿郡盧公女也。得疾連年不差。華家時居西城下。南經里中。三廩在其東南。輶卜當有師從東方来自言。

能治便聽。使之必得其力。後無何。有南征廐騶。當充甲卒來。詣盧公。言能治女郎。公即表請留之。專使其子將詣華氏療疾。初用散藥。後復用丸。治

尋有效。即奏除。

毆酉生呪疾

羅泌路史發揮伊尹無廢立事篇。世有醫生善呪疾者。語人曰。吾能易爾腸胃。更爾系絡。則疾可爲也。

書林事類

桓豁字石虔。

騶名以補大醫。有醫生善呪疾者。語人曰。吾能易爾

腸胃。更爾系絡。則疾可爲也。然人無肯致其身。其難信也。

石虔愈疾

爲人勇壯。時有患瘧者。

呼桓石虔以怖。毆酉和視疾。

國語平公有疾。秦景公使醫和視之。和醫名出曰。不可爲也。爲治也。是謂

遠男而近女。遠師傅。近女色。惑以生蠱。感於女以生蠱疾。非鬼非食惑。以喪志。

疾非鬼神。亦非飲食。生於淫惑。以喪其志。良臣不生。天命不祐。祐助

也。良臣謂趙孟。不生。將死。若君不死。必失諸侯。趙文子聞之曰。武從二三子。二三子。晉諸卿。以佐君爲諸侯盟主。於今八年矣。內無苛慝。諸侯不二。

苛。煩也。慝。惡也。子胡曰。良臣不生。天命不祐。對曰。自今之謂。從今以往。和聞之曰。直不輔曲。明不規闇。言文子不能以明直規輔平公之闇曲。使至淫惑。拱木不生危。拱木大木也。危。高險也。松柏不生埤。埤下濕也。以言文子不久存。吾子不能諫惑。使至於生疾。又不自退。而寵榮也。其政八年之

謂多矣。已爲多也。何以能久。文子曰。醫及國家乎。對曰。上醫醫國。止其淫。感。是爲醫國。其次疾人。固醫官也。官猶職官。文子曰。子稱蠱。何實生之。對曰。蠱之慝。穀之飛。實生之。慝。惡也。言蠱之鳥惡害于嘉穀。穀爲之飛。君是類生蠱疾。物莫伏於蠱。蠱莫嘉於穀。伏藏也。嘉。善也。穀興蠱伏。而章明者也。穀氣起。則蠱伏藏。穀不朽。蠱而人食之。章明之道也。故食穀者。晝選男德。以象穀明。選擇有德者而親近之。以象人之食穀。而有聰明也。宵靜女德。以伏蠱慝。靜安也。伏去也。言夜當安。女之有德者。以禮自節。以去己蠱害之疾。言蠱害穀。猶女害男。今君一之。一晝夜也。是不饗穀而食蠱也。蠱。喻也。是不昭穀明而皿蠱也。皿器也。爲蠱作器而受也。夫文蠱皿爲蠱。吾是以云。文。字也。文子曰。君其幾何。對曰。若諸侯服不過三年。不服不過十年。諸侯服。則專於色。過是。晉之殃也。過十年。荒淫之禍及國。是歲也。趙文子卒。諸侯叛晉。叛晉從楚。十年平公薨。

遼史聖宗紀。統和元年春正月丙寅。荆王道隱

之回。問公主視疾否。曰。在慈恩寺看場戲。上曰。我店大夫不與我

疾。類說幽閑鼓吹宣宗萬壽公主駙馬。鄭尚書之弟凱。有危疾。上使日

疾。有疾。詔遣使存問。是日皇太后幸其邸視疾。

公主不視

爲親。良有以也。召主責曰。豈有小遣醫視疾。

遣醫視疾

宋史 范純仁傳。純仁患目疾。徽宗遣

中使賜茶藥。後又許歸養疾。帝每見輔臣。問安否。

乃曰。范純仁得一識面足矣。遂遣上醫視疾。

乘驛視疾

東漢書宗

室傳。永平元年。東海恭王疆病。顯宗遣中常侍鈞盾令將大醫乘驛視疾。詔沛王輔。濟南王康等俱詣魯視疾。

疾

續後漢書

呂蒙傳。蒙疾發。權時在公安。迎置內殿。所以治護者萬方。

募封內有能愈蒙疾者。賜千金。時有加減。權爲之慘感。欲數見其顏色。又恐勞動。常穿壁瞻之。見小能食。則喜。顧左右言笑。不然。則咄嗟。夜不能寐。病中瘳。爲下赦令群臣畢賀。後更增篤。權自臨視。命道士於星辰下爲之請命。年四十二。遂卒於內殿。權哀痛甚。

馬上視疾

遼史 方技傳。直魯古吐谷渾人初太祖破吐谷渾一騎士

棄橐反射不中而去。及追兵開橐視之中。得一嬰兒。即直魯古人也。因所俘者問其故。乃知射橐者。嬰之父也。世善醫。雖馬上視疾。亦知標本意。不欲子爲人所得。欲殺之耳。

隔紗視疾

遼史 逆臣傳。迭里特字海隣。神于醫視人疾。若隔紗覩物。莫不悉見。

求

入視疾

澠水燕譚錄嘉祐中。仁宗已不豫。久不御殿。宰臣亦不得見。富文忠公求入視疾。內侍以公未有詔旨止之。公叱之

曰。安有宰相一日不見天子。遂趨入見。因乞監侍祈禱。辭帝視疾。留宿殿中。自是事無巨細。皆白執政而後行。上下晏然。

辭帝視疾

晉書 杜夷傳。元帝以夷爲祭酒。夷辭疾。未嘗朝會。帝欲詣夷。夷陳萬乘之主。不宜往庶人之家。帝乃與夷書曰。吾與足下。雖情在忘言。然虛心歷載。

正以足下羸疾。故欲相省寧。論常儀也。又除國子祭酒。

樂正子春視疾

公羊傳昭公十九年。樂正子春之視疾也。復加一飯。則脫然愈。復損一飯。則

子春之視疾也。復加一飯。則脫然愈。復損一飯。則脫然愈。復加一衣。則脫然愈。復損一衣。則脫然愈。

外舍視疾

東漢書

和熹鄧皇后紀。后有疾。特令后母兄弟入視醫藥。不限以日數。后言於帝曰。宮禁至重。而使外舍久在內省。外舍外家。上令陛下有幸私之譏。下使賤妾獲不知足之謗。上下交損。誠不願也。帝曰。人皆以數入焉。榮貴今反以爲憂深。自抑損誠難及也。

帝親視疾

張

禹每疾。輒以起居聞。車駕自臨問。上親拜牀下。禹頓首謝恩於牀前。拜少

西漢書 薦何疾。惠帝自問云。君若不幸。誰可代君。何舉。曹參。

書林事類

張

子官禹曰。臣有一女。愛甚於男。遠嫁張掖太守。不勝父子私恩。願與相從。即徙育爲弘農太守。包咸爲大鴻臚。以論語授帝。后病。親輦駕視之。漢制叢錄翟方進傳。注引漢舊儀云。丞相有疾。皇帝法駕親至問疾。從四門入。蕭何病傳云。上親自臨視何疾。張禹病傳云。車駕自臨問之。以此。東漢書桓榮爲帝師。后病。帝親問入門下。車執經趨拜修弟子禮。宗室傳。時更始降於赤眉。祉乃奔洛陽。是時宗室唯祉先至。光武見之喜甚。建武二年。封為城陽王。十一年。祉疾病。上城陽王璽綬。願以列侯奉先人祭祀。帝自臨其疾。祉薨。謚曰恭王。續後漢書曹真傳。真病還雒陽。帝自幸其第省疾。北史魏安定王休寢疾。帝幸其第流涕問疾。中使醫藥相望於路。新唐書封倫傳。太宗立。倫拜尚書右僕射。實封六百戶。貞觀元年。遘疾。卧尚書省。帝親臨視。命尚輦送還第。卒年六十。贈司空。謚曰明。魏徵疾甚。帝親問疾。屏左右。語終日乃還。后復與太子至第。徵加朝服拖紳。帝悲憇拊之流涕。將以衡山公主降其子。時主亦從。帝曰。公強視新婦。舊唐書隱太子建成傳。建成與元吉謀行配毒。引太宗入宮夜宴。既而太宗心中暴痛。吐血數升。淮安王神通狼狽。扶還西宮。高祖幸第問疾。因勅建成。秦王素不能飲。更勿夜聚。襄邑王神符傳。神符貞觀初。再遷宗正卿。後以疾。

辭職。太宗幸其第問疾。賜以縑帛每給羊酒。岑文本傳。文本加銀青光祿大夫。爲中書令時。太宗將伐遼。凡所籌度。一皆委之。文本今與我同行。情頃竭。言辭舉措。頗異平常。太宗見而憂之。謂左右曰。文本今與我同行。恐不與我同返。及至幽州。遇暴疾。太宗親自臨視。撫之流涕。尋卒。宋朝類苑邢昺嘗被疾請告。真宗親臨問。賜藥一盒。銀器千兩。綵千匹。國朝故事。非宗戚。將相問疾。臨奠。帝不親行。惟昺與郭贊以恩特用此禮。儒者榮之。邢止問疾。郭止復臨喪。續通鑑長編仁宗天聖二年丁酉。再幸資聖禪院。視申國大長公主。報慈正覺大師疾。天聖三年。司徒兼門下侍郎。同平章事。冀國公王欽若。既兼譯經使。始赴傳法院。感疾亟歸。車駕臨問。賜白金五千兩。仁宗慶曆六年。東平郡王德文。晚被足疾。不能朝。然天性畏謹。疾革。仁宗親臨視。以太醫所調藥進之。登閣望疾。資治通鑑唐玄宗天寶十一載。李林甫時已有疾。憂憊不知所爲。巫言一見上可小愈。上欲就視之。左右固諫。上乃令林甫出庭中。上登降聖閣遙望。以紅巾招之。林甫不能拜。使人代拜。

賜詔

問疾

類要李衛公李靖疾。唐太宗賜親詔曰。有晝夜視公疾。太老嫗令一人來。吾欲熟知公起居狀。權文公視此詔常泣曰。君臣之

際乃如是耶。新唐書舒王誼傳。誼初名謨。時尚父郭子儀病篤。帝臨軒遣謨持詔往視。謨冠遠游冠。御絳袍乘象輶。四馬飛龍士三百。國府官皆袴褶以從。子儀手叩頭謝恩。謨宣詔已。乃易服勞問還。

鑿牆問疾

新唐書房玄齡疾甚。帝命鑿苑牆以便候問。

酒肉問疾

小說蒙求宋孫述矯僞庸劣。每食先拜而後就坐。食畢復拜。將寢則拜床。睡覺復拜。乘馬不施銜勒。垂釣不設餌。凡所爲種種類此。從子俣得疾危篤。父彥節母蕭氏對之泣下。述候之。命左右取酒肉令俣進之。人莫識其意。或問之。答曰。禮不云乎。有疾飲酒食肉。

枉駕問疾

趙希循會心錄張侍中者。以王府之舊聲勢赫奕。夏英公竦時居相位。耆移疾在告。竦白于上。

枉駕問疾

資治通鑑唐太宗貞觀十六年。特進魏徵有疾。上手詔問之。且言不見數日。朕過多矣。今欲自往。恐益爲勞。若有聞見。可封狀進來。徵上言。比者弟子陵師。奴婢忽主。下多輕上。皆有爲而然。漸不可長。又言陛下臨朝。常以至公爲言。退而行之。未免私僻。或畏人知。橫加威怒。欲蓋彌彰。竟有何益。徵宅無堂。上命輒小殿之材以構之。五日而成。

遣太子問疾

資治通鑑唐太宗貞觀四年三月。蔡成公杜如晦疾篤。上遣太子問疾。又自臨視之。及薨。上每得佳物。輒思如晦。遣使賜其家。類要馬周病消渴。彌年不瘳。時駕幸翠微宮。勅求勝地爲周起宅。召醫中使相望不絕。每令尚食以膳供之。太宗躬爲調藥。皇太子親臨問疾。

問疾

北史程駿傳。駿病孝文文明太后遣使者更問其疾。賜以湯藥。

隋書高煥傳。上幸并州留煥居守。及上還京。賜縑五千匹。復賜行宮一所以爲莊舍。其夫人賀技氏寢疾。中使顧問絡繹不絕。上親幸其第。賜錢百萬。綃萬匹。復賜以千里馬。宇文述傳。述於江都遇疾。中使相望。帝將親臨視之。群臣苦諫乃止。遂遣司官魏氏問述曰。必有不諱。欲何所言。述二子化及智及時並得罪于家。述因奏曰。化及臣之長子。早預藩邸。願陛下哀憐之。帝聞泣然曰。吾不忘也。及薨。帝爲之廢朝。贈司徒尚書令。十郡太守。班劍四十人。輶轎車前後部鼓吹。謚曰恭。續通鑑長編仁宗天聖元年。馮拯罷爲武勝節度使檢校太尉。兼侍中判河南府。拯自還京。疾益甚。仁宗遣使諭以亮陰不克問疾。賜白金五十兩。撝叩頭稱謝。

奏請問疾

宋史程頤傳。帝嘗以瘡痏不御。邇英累日。頤詣宰相。問知否。且曰。上不御殿。太皇不當獨坐。且人主有疾。

大臣可不知乎。翌日宰

臨候問疾

晉書載記高瞻光熙中調補尚書郎永嘉之亂還鄉里與相以下始奏請問疾。

叔父隱率數千家北徙幽州乃依崔陵。陵與三國謀伐廩也。瞻固諫。陵不從。及陵奔敗。瞻與衆降于廩。廩署爲將軍。瞻稱疾不起。廩敬其姿器。數臨候之。撫其心曰。君之疾在此。不在餘也。今天子播越。四海分崩。蒼生紛擾。莫知所係。孤思與諸君匡復帝室。剪鯨豕于二京。迎天子於吳會。廓清八表。侔勲古烈。此孤之心也。孤之願也。君中州大族。冠冕之餘。宜痛心疾首。枕戈待旦。奈何以華夷之異。有懷介然。且大禹出于西羌。文王生于東夷。但問志畧何如耳。豈以殊俗不可降心乎。瞻仍辭疾篤。廩深不平之。

庾亮問疾

晉書吳猛傳。庾亮爲江州刺史。嘗遇

疾。聞猛神異。乃迎之問。已疾何如。猛辭以筭盡。請具棺服。旬日而死。

將

佐問疾

資治通鑑昭宣帝天祐二年九月。楊行密長子宣州觀察使渥。素無令譽。軍府輕之。行密寢疾。命節度判官周隱性

憲直對曰。宣州司徒輕易信讒。喜擊毬飲酒。非保家之主。餘子皆幼。未能駕馭諸將。廬州刺史劉威從王起細微。必不負王。不若使之權領軍府。俟

諸子長以授之。行密不應。左右牙指揮使徐溫張顥言於行密曰。王平生出萬死。冒矢石。爲子孫立基業。安可使他人有之。行密曰。吾死瞑目矣。他日將佐問疾。行密目留幕寮嚴可求。衆出可求曰。王若不諱。如軍府何。行密曰。吾命周隱召渥。今忍死待之。可求與徐溫詣隱。隱未出。見牒在案上。可求即與溫取牒。遣使者如宣州召之。行密以潤州團練使王茂章爲宣州觀察使。

親朋問疾

呂東萊辨志錄世間

大有病人。親朋故舊交遊來問疾。其人曾不經一事。未讀一方。自騁了了。詐作明能。談說異端。或言是虛。或道是實。或云是風。或云是鹽。或道是水。或云是痰。紛紜謬說。種種不同。破壞病人心意。不知孰是。迂延未就。時不待人。剝然致禍。各自散走。是故大須好人。及好名醫。識病深淺。探賾方書。博覽古今。是事明解者。看病不爾。大誤人事。孫思邈千金方。

懷三十金。是事明解者。看病不

坐門問疾

東漢書符融傳。時漢中晉文經。梁國黃子艾並恃其才智。炫耀上京。卧託養疾。無所

通接。洛中士大夫好事者。承其聲名。坐門問疾。猶不得見。詳本傳。

募醫問疾

吳中舊事。朱冲徵

益進以行不檢。兩受徒刑。既擁資交結權要。然亦能以濟人爲心。每
春夏之交。即出錢米藥物。募醫官數人。巡門問貧者之疾。從而賑之。**勅**

醫問疾

王性之默記

晏元獻自西京以久病。請歸京師。留賓講筵。既革。上將臨問之。甥楊文仲謀。謂凡問疾大臣者。車駕
既出。必携紙錢。蓋已膏肓。或遂不起。即以吊之。免萬乘再臨也。遂奏。臣病
稍安。不足仰煩臨問。仁宗然之。實久病。忌携奠禮以行。然後數日。即薨。故
歐公作神道碑言。明年正月。疾作不能朝。勅太醫朝夕視。有司除道。將幸
其家。公歎曰。吾無狀。乃以疾病憂吾君。即奏臣疾少間。行愈矣。乃止。丁亥
以公薨聞。上以不即
視公爲恨。蓋此意也。

內臣問疾

元史 鐵歌傳

奉命詣萬安寺祀

世祖感疾歸。

皇太后令內臣問

疾。

鐵歌附奏曰。臣死無日。願太后

輔陸下布維新之政。社稷之福也。

皇帝問諸王疾

政和五禮新儀

前期有司於受勞問者之第。大門外設使者次。又於庭中望闕設受勞問
者位。使者位於受勞問者之左。使者至。贊者引入。次使者及受勞問者皆公服。贊
者引使者立於門西東向。引受勞問者立於門東西向。史二人以案奉詔
書立於使者之南。贊者曰拜。受勞問者再拜。贊者引受勞問者入就望闕

位。立。史捧詔書案前行。使者從之。入就庭中位。贊者贊使者。搢笏取詔書。
執笏。加詔書于笏上。史以案退。使者稱有詔。受勞問者再拜。使者宣詔書。
訖。受勞問者又再拜。贊者引使者及受勞問者。少前相向各俛伏跪。搢笏。
使者以詔書授受勞問者訖。各執笏。受勞問者加詔書于笏上。各俛伏興。
復位。贊者曰拜。受勞問者再拜。贊者引使者歸次。受勞問者
乃入。若受勞問者疾未間。不能親受。則子弟代受如上儀。

皇帝

問帝姬疾

政和五禮新儀

以內給事一人爲使者。前期有司於

受勞問者位。使者位於其前。少北南向。使者至。內侍引入。次使者服公服。
女侍引受勞問者朝服出。詣望闕位立。內侍引使者出次。給使二人以案
奉詔書前行。使者從之。入就庭中位。內侍贊使者。搢笏取詔書。執笏。加詔
書于笏上。給使捧案退。使者稱有詔。內侍曰拜。受勞問者再拜。宣訖。又再
拜。女侍進詣使者前。受詔書。退。授受勞問者訖。內侍曰拜。受勞問者再拜。內
侍引使者歸次。受勞問者乃入。若受勞問者疾未間。不能親受。則以女侍
迎。攝受詔書如上儀。以
所受詔書詣寢闈授之。

中宮問諸王疾

政和五禮新儀

以內給事一人爲使

者。前期有司於受勞問者之第。大門外設使者次。又於庭中設受勞問者位。北向。使者位南向。使者至。贊者引入次。使者及受勞問者皆公服。贊者引使者立於門西東向。引受勞問者立於門東西向。給使二人以案奉令書立於使者之南。贊者曰拜。受勞問者再拜。贊者引受勞問者入就庭中位。給使捧令書案前行。使者從之。入就庭中位。贊者贊使者措笏取令書。執笏。加令書于笏上。給使捧案退。使者稱有令。受勞問者再拜。讀訖。又再拜。贊者引使者及受勞問者少前相向各俛伏跪。措笏。使者以令書授受勞問者訖。各執笏。受勞問者加令書于笏上。各俛伏興復位。贊者曰拜。受勞問者再拜。贊者引使者歸次。受勞問者乃入。若受勞問者疾未間。不能親受。則子弟代受如上儀。

疾

政和五禮新儀

以內給事一人為使者。前期有司於受勞問者之第。大門外設使者次。又於寢庭少北設使者位南向。受勞問者位北向。使者至。內侍引入次。使者公服訖。女侍引受勞問者朝服出詣庭中位。內侍引使者出次。給使二人以案奉令書前行。使者從之至庭中位。內侍贊使者措笏取令書。執笏。加令書于笏上。給使以案退。使者稱有令。內侍曰拜。受勞問者再拜。讀訖。又再拜。女侍進詣使者前受令書。退授受勞問者。

東宮問諸王疾

政和五禮新儀

之第。大門外設使者次。又於庭中設受勞問者位西向。使者位東向。使者至。贊者引入次。使者及受勞問者皆公服。贊者引使者立於門西東向。引受勞問者立於門東西向。史二人以案奉令書立於使者之南。贊者曰拜。受勞問者再拜。贊者引受勞問者入就庭中位。史捧令書案前行。使者從之入就庭中位。贊者贊使者措笏取令書。執笏。加令書于笏上。史以案退。使者稱有令。贊者曰拜。受勞問者再拜。使者讀訖。受勞問者又再拜。贊者引使者及受勞問者少前相向各俛伏跪。措笏。使者以令書授受勞問者訖。各執笏。受勞問者加令書于笏上。各俛伏興復位。贊者曰拜。受勞問者再拜。贊者引使者歸次。受勞問者乃入。若受勞問者疾未間。不能親受。則子弟代受如上儀。

東宮問帝姬疾

政和五禮新儀

以內給事一人為使者。前期有司於受勞問者之第。大門外設使者次。又於寢庭西階下設使者位東向。受勞問者位西向。使者至。內侍引入次。使者公服訖。女侍

引受勞問者朝服出詣庭中位立。內侍引使者出次給使二人以案奉令書前行使者從之至庭中位。內侍贊使者搢笏取令書執笏。加令書于笏上。給使以案退使者稱有令。內侍曰拜。受勞問者再拜。讀訖。受勞問者又再拜。女侍進詣使者前受令書退授受勞問者訖。內侍曰拜。受勞問者再拜。內侍引使者歸次受勞問者乃入。若受勞問者疾未間。不能親受。則以女侍迎攝受令書如上儀。以所受令書詣寢閣受之。若皇太子於諸王帝姪疾從家人親屬之禮。遣近侍勞問則受。勞問者侍之。亦從家人之禮。不拜迎。拜送。與授受之儀。

問宗戚大臣

疾 宋會要國朝之制。諸王公主宗室將軍以上每疾。皆乘輿臨問。如小宰相使相駙馬都尉疾。亟幸其第。或賜榮加禮。及非此例者。皆備載之。太祖建隆元年五月八日。幸宰臣魏仁浦第視疾。七月十四日。幸宰臣范質第視疾。賜黃金器二百兩。銀器千兩。絹二千匹。八月八日。再臨視。賜錢一百萬。乾德四年四月二十五日。幸駙馬都尉高懷德第問燕國長公主疾。六年四月一日。建雄軍節度使趙彥徽來朝有疾。帝幸其第臨問。賜錢五百萬。開寶二年二月二十一日。幸侍衛親軍馬軍都虞侯彰國軍節

度使張廷翰第視疾。十一月三日。鎮寧軍節度使張令鐸來朝被疾。帝幸其第臨問。賜帛五千匹。銀五千兩。又賜其家甚厚。十二月十日。幸中書視宰臣趙普疾。三年三月十九日。幸趙普第視疾。賜銀器五千兩。絹五千匹。又賜其妻和氏銀器二千兩。衣着二千匹。先是正月。幸普第視疾。至是再幸焉。四年四月六日。幸永興軍節度使吳廷祚第視疾。七月三十日。以建武軍節度使何繼筠來朝疽發背。帝幸其第。賜賚甚厚。五年十二月十二日。幸皇弟開封尹光美第以足疾臨視。十三日。再臨視。太宗太平興國三年五月二十一日。以殿前指揮使楊信久病瘠忽能言。帝異之。遽幸其第厚加賜賚。四年八月二十七日。幸武功郡王德昭第視疾。五年八月二十五日。幸淮海國王錢倅第視疾。賜倅白金萬兩。錢百萬。絹萬匹。黃金千兩。子惟濬。惟治。白金各萬兩。六年八月一日。彰德軍節度使滄州總管李漢瓊被病召還京師。帝親視之。賜白金萬兩。十一月八日。樞密使楚昭輔以足疾請告。帝幸其第臨問之。觀所居湫隘。賜白金萬兩。令以市宅。昭輔被病周歲家居。亦不求解職。會郊祀罷。爲左驍衛上將軍。八年四月三十日。幸樞密使石熙載第視疾。端拱二年四月二十一日。幸宰相趙普第視疾。淳化元年三月二十一日。以西京留守趙

普被疾不任朝謁。帝臨省之。十一月十五日。幸涇國公元偁宮視疾。

十八日。幸許王元僖宮視疾。三年六月六日。天雄軍節度使劉延翰被

病。表求解官。肩輿還京師。帝臨幸其第撫問之。賜白金萬兩。至道二年。

三月一日。幸晉國公主第視疾。咸平元年六月九日。幸駙馬都尉王承

衍第視疾。十二月五日。幸許國長公主第視疾。二年閏三月四日。再臨

視。二年閏三月四日。幸左武衛將軍德恩第視疾。五月二十四日。幸

樞密使曹彬第視疾。賜白金萬兩。手和藥以賜之。十二月二十四日。車

駕駐天雄軍。幸宣徽北院使周瑩屯所視疾。三年正月六日。幸樞密副

使宋湜所居視疾。湜扈從駐天雄軍得疾。特憂恤之。仍令先還京師。賜

御衣褶一副。又遣內侍護送供帳優厚。至澶州而卒。三十日。幸太子太

保呂端第視疾。端以久疾罷相。居京師。帝思之。故臨問焉。十月十七日。

幸雍王元份宮視疾。十二月十二日。四年四月二十四日。六年三月十八

日。景德元年十二月二十四日。二年正月七日。三月十八日。五月十二日。

六月七日。七月二日。七月二十四日。二十九日。三十日。八月一日。再臨視。

四年正月八日。幸殿前都指揮使河西軍節度使范廷召第視疾。六年二月

十九日。幸北宅右羽林將軍德閔院視疾。三月二十五日。幸安定

郡公惟吉宮視疾。大中祥符元年九月二十日。二年七月十六日。十二

月十五日。二十四日。三年五月一日。再臨視。四月十九日。宰臣呂蒙正。

暴中風眩。帝即時臨問。賜白金五千兩。真宗景德元年六月六日。幸魯

國長公主第視疾。賜錢百萬。繒綵二千匹。又幸北宅視右羽林將軍德欽

疾。賜白金三百兩。七月四日。幸宰臣李沆第視疾。二年正月二十四

日。幸山南東道節度使李繼隆第視疾。三年二月一日。幸北宅視樂平

郡公德恭疾。五月十六日。再臨視。九月二十三日。幸寧王元偓宮視疾。

大中祥符元年九月十一日。四年四月二十二日。八年三月五日。天禧二

年二月二十一日。二十九日。四月二十四日。閏四月十一日。十四日。二十

日。五月一日。再臨視。十二月二十四日。幸北宅視右羽林將軍德鈞疾。

四年五月二十三日。幸舒王元偁宮視疾。九月二十四日。大中祥符元

年四月十日。十二月二十四日。三年六月十八日。八月六日。四年四月九

日。五年正月十四日。六年四月二十四日。九月一日。十一月二十四日。七

年三月十九日。二十六日。再臨視。舊制每歲三月。金明池習水嬉以備遊

豫。帝以元偁疾特罷臨賞。大中祥符元年五月十八日。幸南宮視右羽

林將軍惟能疾。二年九月二十四日。幸晉國公主第視疾。十月十七日。

十一月十八日。再臨視。三年閏二月二十八日。幸韓國長公主第視疾。
 三月四日。九月六日。再臨視。三月十六日。幸駙馬都尉石保吉第視疾。
 前一日保吉疾亟。帝將臨視之。會翌日大忌。輔臣言於禮非便。遂遣內侍
 以諭保吉。至是始臨省焉。六月二十五日。幸翰林侍講學士禮部尚書
 刑昺第視疾。賜白金千兩。帛千匹。名藥一盒。又召其子太常博士知東明
 縣仲寶。國子博士知信陽軍仲恩。視疾並許馳驛赴闕。昺以舊恩故特用
 此禮。儒者榮之。九月二十日。幸資聖院視吳國公主疾。四年五月十八
 日。幸北宅視右羽林將軍德存疾。賜白金五百兩。錢五十萬。八月五日。
 幸南宮視左千牛衛將軍惟叙疾。九年四月二十七日。樞密使同中書門
 下平章事陳克叟以足疾屢請告。帝臨視之。五月十日。幸南宮視資州團
 練使惟憲疾。天禧元年七月二十三日。幸駙馬都尉魏咸信第視疾。
 九月十一日。幸太尉旦第視疾。賜白金五千兩。旦命家人還獻所賜。作奏
 畢。自益四句云。益懼多藏。况無所用。見謀散施。以息咎殃。亟令昇至。內閣
 有詔不許及門。旦已薨云。二年四月二十四日。宣徽南院使知樞密院馬
 知節以病足。久在假。帝臨視。賜白金五千兩。三年七月十三日。幸殿前都
 指揮使忠武軍節度使曹璨第視疾。仁宗天聖七年正月二十七日。幸

參知政事魯宗道第視疾。留賜白金三千兩。八年九月十五日。幸樞密
 副使姜遵第視疾。賜錢帛有差。九年八月二十八日。幸馮翊郡公德文
 第視疾。賜錢百萬。絹五千匹。明道二年七月十三日。幸駙馬都尉柴宗
 慶第。視楚國大長公主疾。景祐五年八月三日。幸駙馬都尉李遵勗第
 視疾。慶曆三年十二月八日。荆王元儼疾。帝幸其第。親臨卧內。手自調
 藥。屏人語久之所對多忠言。賜白金五千兩。辭不受。再三敦諭。又固辭曰。
 臣羸憊不能支且死。重廢國家不爲少。帝嗟泣從之。六年五月二十二
 日。東平郡王德文有疾。帝臨視。親以太醫所調藥進之。八年六月二十一
 日。參知政事明鎬疽發背。帝謂鎬忠亮有勞。欲及其未亂。一往見之。既
 至。惻然曰。方賴卿謀國事。而遽有此疾。鎬氣已索。猶能頓首稱謝。十月
 六日。幸彰信軍節度使同中書門下平章事李用和第視疾。皇祐二年七
 月十一日。再臨視。皇祐三年正月十二日。幸馮國大長公主第視疾。初
 第候門進拜。用家人禮奉藥進主甚恭。車駕臨幸。侍者披主迎立。帝命主
 先坐。設御座于西。主固辭。乃移榻東南。因親詆主目。左右皆感泣。帝亦
 悲慟。復顧問子孫所欲。主曰。豈可利母病而邀賞邪。賚白金三千兩。辭不

受。帝因謂從臣曰。太主之疾儻可移。於朕亦不避也。因命寢門垂薄。使從

臣問候。又募天下能醫者。授以官秩。賜御書金字。大悲千手千眼菩薩文。

賜玉石金字。太宗謚皆以祝疾祈福也。

嘉祐元年五月七日。幸樞密使王貽永第視疾。時貽永以疾求退。手詔存問。遣太醫診視。車駕臨問。頒禁

中珍藥。及面取糜粥以食之。貽永自言寵祿過盛。願罷樞密使兼侍中。還

第。帝異其愈。乃聽罷侍中。改彰德軍節度使同平章事。而樞密使如故。

神宗熙寧二年四月九日。幸參知政事唐介第視疾。

閏十一月四日。幸楚國大長公主第視疾。

哲宗紹聖元年二月十四日。幸徐王第視疾。

徽宗崇寧五年十一月十一日。幸崇華宅視陳王疾。真宗景德三年七月十一日。忠武軍節度使高瓊病亟。將幸其第。省視輔臣曰。瓊雖久掌禁兵。備守宿衛。然未嘗臨戎破敵。非威名將也。且車駕臨問國家異禮。所以待功臣也。施之於瓊。恐無以視甄別。乃止。仁宗慶曆四年五月十六日。汝南郡王母潤王夫子李氏病甚。車駕欲臨省之。詔問禮官。以夏至大祠致齋不宜問疾。乃止。神宗熙寧七年十二月十八日。詔頒新式。凡臨幸問疾者。賜銀絹。宰臣及樞密使帶使相者。使侍中充樞密使同平章事。二千五百兩足。樞密使使相二千足。兩知樞密院事。參知政事。樞密副使

同知樞密院事一千五百兩足。僉書樞密院事。同僉書樞密院事。宣徽使七百五十兩足。殿前都指揮使一千五百兩足。駙馬都尉任使相以下者。二千五百兩足。任節度觀察留後以下者。一千五百兩足。並入內侍省取賜。

高宗皇帝紹興二十五年十月二十一日。車駕幸大師尚書左僕射

益國公秦

檜第問疾。

水樂大典卷之二萬三百十一

重錄總校官侍郎臣陳以勤
學士臣王大任
分校官修撰臣丁士美
書寫儒士臣章伯輝
國點監生臣馬宗孝
臣扈進第